

^{Poel}
M A N C I N V S
DE Q V A T V O R
V I R T V T I B V S .

Petri Carmeliani Hexastichon
*in Dominici Mancini de quatuor
cardineis virtutibus libellum.*

Qui cupit eximios mores, vitamque beatam
Noscere, Mancini carmina docta legat.
Cardineas libro virtutes quatuor vno,
Is bene describit, moribus assimulans.
Mancino cedant Curij cedantque Catones,
Ædita vel quorum scripta fuere prius.



L O N D I N I ,
Ex Typographia Societatis Statio-
nariorum. 1613.

Cum privilegio.

Dominicus Mancinus ad
Lectorem, de libro suo.

Quatuor astringit virtutes iste libellus,
Perplacido ductu, perfaciliq̃ue pede,
Peruius est rudibus pueris tenerilq̃ue puellis,
Quos etiam mater fomite lactis alit.
Peruius & senibus, quos olim crassa vetustas
Eduxit, quando barbara lingua fuit.
Hunc matrona suas ancillas calta docere,
Hunc possit sponsæ vir recitare suæ.
Hic nullum fugiat, non tædia conferat vlli,
Si quocunque modo prima elementa sciat.
Noscere Parisij librum properate recentem,
Sanctius, vtilius hoc nihil esse potest.
Quid fieri deceat, docet hic, per tempora vitæ,
Et fieri vt possit hic quoque ritè docet,
Nec rogat hic pro se, lector, te tradere nummos,
Sed rogat vt videas, tunc habet ipse satis.
Sponte tamen si quis modico sibi comparat ære,
Nil quicquam vtilius credat habere domi:
Sin verba & sensus memori sub pectore condat,
Thesauros magnos intus habere putet,
Nil melius Latij portat mercator ab oris,
Nil quicquam melius bibliopola tenet.
Vale.





DOMINICI MANCINI
IN LIBRVM DE QVATVOR
virtutibus ad Federicum Seueri-
natem Episcopum Malia-
centium Præfatio
incipit.

Non mea fert ætas iuueniles edere lusus,
Quosq; solet vulgus commemorare ioces;
Non etenim salibus cani sunt mollibus apti;
Nec deceat iuuenum tela mouere senem.

*Quam turpe est cano surgunt cui vellera mento,
Si pueris mixtus iactet & ipse nuces?*

*Quam male conueniat tenevos si laudet ameres
Vel Cato, vel Carinus, Fabriciusue grauis?*

*Non homini ceruix aliter concrescit equina,
Quam si non proprium sumpserit officium.*

*Non bene saltantis personam sustinet ille,
Compede qui longa comprimiturque graui.*

*Quam merito volucres cornici illudere certent,
Si certet cygno, philomena tibi?*

*Nen etiam sanctus, quo ascribor, postulat ordo,
Et votum, fidei relligioq; sacra:*

*Me nisi res sanctas perscribere, tum meditari,
Deq; fide sancta, catholicaq; loqui.*

*Cur etenim quisquam, sacris cæloq; dicatus,
A sacris mentem dimouet usq; suam?*

*Militia ascriptus vir, semper cogitat arma,
Mercator cupidin mente volutat opes.*

D. MANCINI

Presbyter at debet vitijs indicere bellum,

Et populum summo conciliare Deo.

Debet & exemplis reuocare, & voce ruentes:

Inq, suo stantes consolidare gradu.

A caulisq, lupos vigilans arcere rapaces,

Et circum semper aduigilare gregem.

Fœdus haud quicquam quam si sit scurra sacerdos,

Aut si præduri militis arma gerat.

Sed non fœda minus res est, si moribus ipsis,

Fabula sit vulgi ridiculumq, caput:

Aut si continue rixæ, violentia, lites,

Iurgia, vis, fraudes, furti, rapina, placent.

Sed neque te quicquam mulcet Federice legentem,

Quod procul à sanctis moribus esse vides.

Nil etiam docta iucundius aure capeffis,

Quam tibi quod sancta charta ministrat opus.

Sic etenim mitis tua fert natura, benigno

Sydere coniuncta, sydera si qua valent.

Sic studia exposcunt, iuuenis quæ semper amasti:

Et quæ nunc doctus vel vebementer amas:

Sic etiam comitas doctorum iuncta virorum

Admouit lateri nocte dieq, tuo.

Hortatur veterum sic te monumenta tuorum,

Edidit innumeris quos Seuerina domus.

Denique res gestæ quondam, laudēsq, paternæ,

Semina virtuti sunt quoque magna tue.

Sed modo quæ gessit dux belli & pacis amator,

Virtutem faciunt illa virere magis.

Incrementa velut præstant plantaribus imbres,

Aere cum verno sole tepente cadunt:

Sic tu dum spectas virtutes ipse paternas,

Fomentem magnam das Federice tuis.

Si quis gesta velit nunc scire recentia patris:

Hæc ego dicturum me ratione negem.

DE QVAT. VIRT. LIB.

Non etenim possum paucis concludere verbis,
 Tum neq; narrandi commodu' iste locus.
 Nam propero primos quos cœpi intendere cursus,
 Vt dicam, quare non ego scribo iocos.
 Scilicet hæc causa est, humeris quod sarcina nostris,
 Nec digna est sanctis auribus illa tuis.
 Propterea, quantum potui, graviora petiui,
 Quæque tua possint aptius ore legi.
 Quippe quod ardebam nostram te noscere mentem,
 Præstare & fidei in te monumenta meæ:
 Quattuor en scripsi virtutum munera versu,
 Quæ deceant homines, quæ probet ipse deus.
 Hæc tibi conueniunt: hæc sunt tibi debita tanquam
 Nuper de sancto fonte profecta tuo.
 Tu, velut exemplar scriptorum & forma meorum:
 Quod bene conscripsi, plenius ipse facis.
 Hæc alios, non te poterunt mea scripta monere:
 Scripta monent alios, tu mea scripta mones.
 Et maiora licet sacro sub pectore verses:
 Nostra tamen legito, cum datur ipsa quies.
 Non aquila æreæ semper petit ardua nubes,
 Proxima sed terris illa aliquando volat.
 Sic tu cum cessant grauioribus pectore cure,
 Præsta aliquid Musis, carminibusque meis.
 Lætabor tanto si nostra legantur ab ore,
 Et fient lima si meliora tua.
 Prima canenda venit mater prudentia rerum,
 Iustitia hinc lumen mox trahit alma suum:
 Post animus magnus, dura omnia ferre paratus,
 Scribitur, in fine mens moderata mihi.
 Quattuor hæc currum totidem fecere rotarum,
 Quem si quis scandat, magnus & altus erit.
 Nec minus à cunctis spectabitur ille triumphans,
 Quam toto si quis victor in orbe foret.

D. MANCINI

Hunc currum vari reges egere ducesq;
Rara etenim virtus esse quaterna solet.
Ergo recognoscas tete, mea scripta legendo,
Te tanquam in speculo, dum legis ipse, vide.
Censor ades, nunquid propero dum fingere formam,
Mens bene quod videt, est imitata manus.
Sed iam virtutum seriem narremus ab ortu:
Principijs notis, omnia clara magis.

Vale.

DE QVATVOR FONTI-
BVS HONESTATIS, QVI
à ratione habent ori-
ginem.

P Rincipio Omnipotens, cælum terramq; creauit,
Et statuit proprijs cuncta elementa locis.
Hinc cælum ornauit stellis, & gramine terras,
Aëra pennatis pise repleuit aquis.
Inde hominem faciens similem sibi, subdidit illi
Omne animans, terris imperiumq; dedit,
Hunc & participem rationis fecit, ut illa
Differat à reliquis dissociante feris.
Hic igitur tanto rationis munere fretus,
Scrutari incepit omnia mente sua.
Ac dum præteritis, quæ sunt præsentia nescit,
Qualia sint certo mente futura videt.
Proptereaq; parans illis quodcunque necesse est,
Prudentis meruit nomen habere viri.

Atque

DE QUAT. VIRT. LIB.

Atque eadem ratio multos coniunxit in unum,

Colloquij causa praesidiq; simul:

Impulit & cætus cogi, parere iubenti,

Vrbibus & positis vivere lege viros.

Praecipuum in sobolem patribus generavit amor omni,

Inq; alios sicut sanguinis ordo iubet.

Hinc patres curant gnatos omni arte tueri,

Hinc gnati patres pro pietate colunt.

Hæc docet officijs homines certare vicissim,

Inq; vicem aduersis rebus adesse iubet.

Hæc inter populos, & reges fœdera nectit.

Hæc inter raras iungit amicitias.

Plus tamen officijs certant, opibusq; ferendis,

Qui donante Deo, plus rationis habent.

Sic hominum comitas firmata, & viribus aucta est.

Sic aucta imperia & munere iustitiæ.

Præterea innata est ex hac ratione cupido

Mentibus, ut semper abdita nosse velint:

Ut verum, simplexq; bonum deprendere curent,

Et postquam norint, id vehementer ament.

Quippe quod est homini maior non ulla voluptas

Illa, qua discit, continueq; sapit.

Sæpe igitur veri sic feruet amoris reperti

Mens, nihil ut duri respuat illa pati:

Casibus haud ullis, non ulla victa labore;

Pro vero est mortis nescia tanta dare.

Tertia sic virtus mens alta & magna vocata est.

Quæ semper custos simplicitatis adest.

Nec parua illa quidem vis est rationis habenda,

Per quam nos nimium cornere pulchra innuat.

Quantus inest ordo rebus, vel quanta venustas,

Solus homo solers percipit atque videt.

Hanc igitur faciem mundi formamq; decoram

Cum sapiens spectat, diligit atq; probat.

D. MANCINI

Tum secum loquitur: quanto res pulchrior esset,
Si tantus nostris moribus ordo foret?
Propterea exemplo rerum componere mores
Nititur, atque animo tradere tale decus.
Ergo nihil sordis, nil & committere incepti,
Prouidet: & nullam prorsus habere notam.
Ne quid vel nimium faciat, vel pondere mancum,
Sitq; decus rebus, temporis, atque loci.
Denique sic animo virtus moderatio surgit:
Ordine quæ quarto connumeranda loco est.
Quattuor his igitur partes comprehendit honestum,
Quas omnes ratio conficit ipsa tibi.
Sed Deus hanc homini rationem contulit auctor:
Naturam vulgus dictas esse Deum.
Sine igitur placeat naturæ munera dici,
Sive dei, arbitrari, lector habeto tuum.
Hoc ego præstabo distincta ut singula tractem.
Primum & prudentis ordine munus erit:

DE PRUDENTIA.

Primus honestatis locus est, disquirere quid sit
Verum, vel falsum, quæ mala, quæque bona.
Hoc adeo est hominis naturæ & viribus aptum.
Nil magis ut proprium, nil deceatq; magis.
Ducitur omnis enim mortalis amore sciendi,
Prorsus ut ignotum nil velit esse sibi:
Omnia vestigat solers, & mente volutat.
Nam labi & falli, turpe, malumq; putat.
Est autem prudens quisquis discernit honestum.
A turpi: ut tantum possit honesta sequi.

Hoc

DE QUAT. VIRT. LIB.

Hoc non discernet nisi qui metitur idipsum,
Ut natura sua indicat & ratio.
Non, quæ quisque probat, prudens ea recta probabit:
Sed, quæ iudicio comprobat ipse suo.
Hoc sed iudicium ratio dominata gubernet,
Pareat & sensus, ut puer atque comes.
Verum, quo leuius rectum dignoscere possis,
Hic quæ perspicies singula lector habes.
Inprimis igitur quisquis perquirat honestum,
In vita agnoscat esse cauendo duo.
Est unum ne scire putet, quæ nescit: & illis
Hereat ut veris credulus ipse sibi.
Plurima namque latent cæcis abstrusa latebris,
Quæ neque de facili quisque videre potest:
Ergo illis temere, tu consenti e cauto,
Ne capiat facti te cito poena tui.
Hic opus est studio, hic cura & tempore longo,
Hic quoque præceptor forte vocandus erit.
Proderit in multis simul experientia rerum,
Proderit & fide pectus amicitie.
Rebus in ambiguis partes scrutaberis ambas,
Ut quæcunque venit res, tibi tuta cadat.
Non satis est istam partem munire, vel illam,
Alteram si restat debilis, atque vagans.
Non bene prouidit, tantum qui à dente colubri
Cauit: nam pariter cauda cauenda fuit.
Sic age, quod nunquam dicas, non ista putarant.
Non sine dedecore fertur id ore viri.
Nec te decipiat, quosdam quod decipit illud,
Dum quæcunque sua recta, & honesta putant.
Iudicio addicti proprio, seruiq; suorum
Errorum, credunt se nihil esse supra:
Auelli nequeunt vlla ratione, vel arte:
Iudiciumq; omni plus ratione valet.

D. MANCINI

Tum secum loquitur: quanto res pulchrior esset,
 Si tantus nostris moribus ordo foret?
 Propterea exemplo rerum componere mores
 Nititur, atque animo tradere tale decus.
 Ergo nihil sordidum, nil & committere incipit,
 Prouidet: & nullam prorsus habere notam.
 Ne quid vel nimium faciat, vel pondere manum,
 Sitq; decus rebus, temporis, atque loci.
 Denique sic animo virtus moderatio surgit:
 Ordine quæ quarto connumeranda loco est.
 Quattuor hæc igitur partes comprehendit honestum,
 Quas omnes ratio conficit ipsa tibi.
 Sed Deus hanc homini rationem contulit auctor,
 Natieram vulgus dicitur esse Deum.
 Siue igitur placeat naturæ munera dici,
 Siue dei, arbitrium lector habeto tuum.
 Hoc ego præstabo distincte ut singula tractem.
 Primum & prudentiæ ordine mutus erit:

DE PRUDENTIA.

Primus honestatis locus est, disquirere quid sit
 Verum, vel falsum, quæ mala, quidque bonum.
 Hoc adeo est hominis naturæ & viribus aptum.
 Nil magis ut proprium, nil deceatq; magis.
 Ducitur omnis enim mortalis amore sciendi
 Prorsus ut ignotum nil velit esse sibi:
 Omnia vestigat solers, & mente volutat
 Nam labi & falli, turpe, malumq; putat.
 Est autem prudens quisquis discernit honestum.
 A turpi: ut tantum possit honesta sequi.

Hoc

DE QUAT. VIRT. LIB.

Hoc non discernet nisi qui metitur idipsum,
Ut natura sua iudicat & ratio.
Non, quæ quisque probat, prudens ea recta probabit:
Sed, quæ iudicio comprobatur ipse suo.
Hoc sed iudicium ratio dominata gubernet,
Pareat & sensus, ut puer atque comes.
Verum, quo leuius rectum dignoscere possis,
Hic quæ perspicies singula lector habes.
Inprimis igitur quisquis perquirat honestum,
In vita agnoscat esse cauendo dno.
Est unum ne scire putet, quæ nescit: & illis
Hereat ut veris credulus ipse sibi.
Plurima namque latent cæcis abstrusa latebris,
Quæ neque de facili quisque videre potest:
Ergo illis temere, tu consentire cauto,
Ne capiat facti te cito poena tui.
Hic opus est studio, hic cura & tempore longo,
Hic quoque præceptor forte vocandus erit.
Proderit in multis simul experientia rerum,
Proderit & fide pectus, amicitia.
Rebus in ambiguis partes scrutaberis ambas,
Ut quæcunque venit res, tibi tuta cadat.
Non satis est istam partem munire, vel illam,
Altera si restat debilis, atque vagans.
Non bene prouidit, tantum qui à dente colubri
Cauit: nam pariter cauda cauenda fuit.
Sic age, quod nunquam dicas, non ista putarant:
Non sine dedecore fertur id ore viri.
Nec te decipiat, quosdam quod decipit illud,
Dum quæcunque sua recta, & honesta putasti.
Iudicio addicti proprio, seruiq; suorum
Errorum, credunt se nihil esse supra:
Auelli nequeunt vlla ratione, vel arte:
Iudiciumq; omni plus ratione valet.

D. MANCINI

Ut soliti patres gnatorum crimina sepe
 Laudare, & donis credere digna suis.
 Ut qui fecit opus sculptor, carmenq; poeta,
 Sæpe hic Phidiacum spernit & arma virum:
 Sic isti proprios mores venerantur, adorant:
 Quæque alij faciunt, ut vitiosa premunt.
 Quippe quod à rerum falluntur amore suarum,
 Nec nisi seipsos prorsus amare queunt.
 Quicquid habent ipsi gemmas, aurumq; libentior
 Tanquam vile lutum omnia aliena ferunt.
 Iis ratio explosa est, atque omnis questio veri,
 Ii minime distant à precore atq; feris.
 Quisquis natura quæ sunt communia non vult,
 An partem è proprijs præbeat ille bonis?
 At si se talis casu subreperit error,
 Ut nimium tribuas partibus ipse tuis:
 Tunc videas quæcunque tenent sanctiq; boniq;
 Atque ea tu credas esse tenenda tibi.
 Plus oculi cernunt multi sub luce serena,
 Quam videt in tenebris unus ocellus iners.
 At cum consilio constabunt omnia certo,
 Tunc ægematur: sit procul ipsa mora.
 Sunt multi segnes, & lentis pondere facti,
 Consultent quamvis optima quæque prius.
 Ii neque censendi prudentes: namque relinquunt
 Partem, quæ prima est, officijq; caput.
 Non aliter virides florescunt arbore rami,
 Si nequeant proprio tempore poma legi.
 Nec secus in medys se intolant agmina campis,
 Si conferta manus nulla trophæa refert.
 Sic etiam cultis mandantur semina sulcis,
 Ni segetes tostas falce sonante metas.
 Omnis enim sua laus virtutis facta requirit,
 Nam sine re prodest consultuisse parum.

Non

DE QUAT. VIRT. LIB.

Non tamen ille caret virtutis laude perenni,
Qui bona consultat, si gerere illa nequit.
Nam prohibet multos moribus: nam sæpe facultas
Consilij rectis non sinet esse locum.
Philosophi pariter laudem famamq; merentur,
Qui bene scribendo sæcula longa movent.
Est aliud vitium, longum consumere tempus,
Et nimis studiis ardua quæque sequi:
Difficiles etenim res quædam indaginis altæ:
Quæ tamen haud aliquid utilitatis habent,
Namq; nihil fini profunt, nec moribus ipsis:
Sollicitent animos nocte dieq; licet.
Aut si vel recto possunt conducere fini:
Hæc plusquam finis, sola petita iuvant.
Quid prodest varios stellarum inquirere cursus?
Quid res & causas noscere, inepte, petis?
Quid cupis innumeras discendo amplectier artes.
Et toto veros orbe referre situs?
Quid gaudes nodis cunctos vicisse sophistas?
Aut verbis totum detinuisse forum?
Si sapis, istorum nil quicquam pertinet ad te:
Simplicius multo est quod didicisse decet.
Ut recte viuas discas, mori areq; recte
Hæc duo sunt nostra: Vivimus & morimur.
Est simplex studium ut recte versemur utroq;
Et facile est, quod nos munere utroq; beet.
Ergo prius discas, quid te præstare beatum
Possit, & id toto pectore fige tuo.
Disce viam pariter, qua perveniatur ad illud,
Quam simul ingredi, perpetuoq; tene.
Nempe viam multi perdiscunt tempore toto,
Non tamen amantes ingrediuntur iter.
Quid didicisse viam prodest, quon pergere nolis?
Turpior ignaro factus es ipse sciens.

Anne

D. MANCINI

Anne viam monstras alijs, tu deuius erres?
 Et moneas alios quod minus ipse facis?
 Quam stultum est totas noctes vigilare, diesq;
 Nullius ut fructus sit pater ipse labor?
 Sumimus incassum tempus discendo profecto,
 Actio ni sequitur mente, recepta prius.
 Actio cum finis discendi debeat esse,
 Plus pete quam discas, ut sapienter agas.
 Iure igitur miles reprehendit philosophantem:
 Gymnasio clamat dum nimis ille senex.
 Inquit enim miles: Dic o venerande magister,
 Quid sibi clamores, verbaq; vestra voluit?
 A mane ad noctem miscetis iurgia: nullus
 Est alij concors: hic ait, ille negat.
 Respondit sapiens: O fili, querimus illam
 Virtutem, hanc potuit quærere nemo satis.
 Subrisit miles: Iam canus, iam moriturus
 Es: neque dum virtus ipsa reperta tibi est?
 Quando ergo uteris, quando tu praeditus illa?
 An tibi apud manes illius usus erit?
 Disce igitur quantum possis praestare gerendo:
 Et, quantum discis, perfice re q; gere.
 Non laet et id, potius se offert quærentibus ultro:
 Id poterit facili prendere quisque manu.
 Præterea officium prudentis nescitur, illud:
 Ordinis ut serues inter agenda modum.
 Provideas primum, quæ sunt graviora: subinde
 Constituas, digno quæ leuiora loco.
 Non licet, ut spretis chara cum coniuge natis,
 De pueris cures mancipijsq; tuis.
 Nec licet ut vitam, simul aspernere salutem,
 Dum nimio studio quæris auarus opes.
 Non animam perdas, dum vis te reddere saluum:
 Corpore plus anima nam pretiosa tua est.

Quid

DE QUAT. VIRT. LIB.

Quid tanti facias, animam quo perdere spernas?

Quæ merces anima par queat esse tuæ?

Quis sibi præponat momento viuere paruo,

Æternum demens ut velit ille mori?

Nec nisi momentum dici tua vita meretur,

Sæcula si spectes & sine fine dies.

Fac, cui plus debes, cures plus reddere semper:

Ante tamen gratus omnia pone Deum.

Non, licet officij memoret ut videaris ab omni,

Immemor in Christum sis tamen ipse tuum.

Non solum aspicias presentis gaudia vite,

Sed videas qualis vita futura tibi est.

Quid magis est hominis, quam voluere mente futura,

Ne quid contingat, quod grauitate premat?

At ventura quidem mors est, atque altera vita,

Quæ premet, aut nobis præmia grata dabit:

Quæ veniet, nullas habitura est tempore metas,

Sic mala perpetua, vel dabit illa bona.

Ast velut hæc umbra, celeriq; simillima vento est,

Sic bona siue mala dat peritura breui.

Hic locus est vite tantum dum vescimur aërae

Ius summum nobis altera vita feret.

Est satius placidos ad tempus ferre labores,

Supplicia æternis quam tolerare rogis.

Molle iugum collo est si quod suscepimus ultro,

Inuicti grauius sed patiemur onus.

Hic medicus Christus medicatur tristibus ægris,

Illic ut Iudex fronte uerendus erit.

Non tua magna putes quæcunque caduca videbis,

Id pete quod durat perpetuumq; manet.

Non etiam serues quæ sunt tibi mox peritura.

Ne tibi non prosint, si qua supersuerint.

Fac iuste semper uiuas: disuactus iniquis,

Non te commutes, quin magis aptus eris.

D. MANCINI

Tunc vero aptus eris, cum iustum tendis ad illud,
Semper & ad tempus scis variare vias.
Sepe via est duplex quæ ad metas ducit easdem:
Alterâ nunc clausa est, alterâ aperta patet.
Vt manus in palmam modo se distendit, & aptat
In pugnum rursus, & tamen una manet:
Sic prudens semper iustus permanserit idem,
Sed sumet vultus quos monet ipsa dies.
Non levis ut ventus, sed pro re mobilis adsis,
Constans, non durus: propositiq; tenax.
Nec cito credideris fuerint quæcunque relata:
Discutias omne, quod secus esse potest.
Fallitur, & fallit faciles qui commodat aureis:
Esse à prudente debet utrunq; procul.
Sepe fuit verum, quod res conficta videtur,
Visaq; res vera, ficta reperta fuit.
Delituit verum quoties sub imagine falsi,
Et falsum veri imagine delituit?
Non proprios vultus semper mendacia gestant,
Sepe & simplicitas creditur esse dolus.
Vtq; assentator frontem sibi sumit amici,
Sic qui recta monet sæpius hostis habet.
Non tibi de dubijs sententia certa feratur,
Sed suspensa quidem reddere verba potes.
Cum quicquam facies, inprimis mente voluta,
Quantum est, & quale, quod queat inde sequi.
Nil tibi sit subitum, nil aggrediare repente,
Si res est durans, est patiensq; moræ.
Quod dubitas differ, melius suspende parumper
Quod geritur, donec tempore certus eris.
Præterea quicquid noscis non iure fuisse
Inceptum, debes deseruisse cito.
Si tibi suspicio fuerit sub pectore nata,
Illa quidem cesset, sed tamen omne caue.

DE QUAT. VIRT. LIB.

In sermone tuo vel quæ sunt recta monebis:
Aut rectum quæres, quod latuisse solet.
Ignotum rudibus mitis monstrabis, bonestum
Præcipas illis, quos tua cura regit.
At si solatus fueris sua damna dolentes,
Non tibi virtutis pars mediocris erit.
Laudabis parce, quem credas iure probari:
Parcius & damna, quem neque iure probes.
Qui nimium laudat, blandiri nempe videtur:
Qui nimium damnat, credita lingua mala est,
Quod verum est, charo præferri debet amico:
Sit veri species inuiolata tibi.
Discute quid possis, cum vis promittere quicquam,
Postquam promissum est, plenius ipse dabis.
Præteritum spectata tempus, prænosce futurum:
Ut prudens peragas, non sine lauda quod est.
Commoda prævideas simul, & quæ damna sequantur,
Ut leuius quicquid venerit inde seras.
Non tu semper opus facies, sed certa laboris
Sit requies, animi pars erit illa tui.
Non tamen in requie ludat tua dextra fritillo,
Sed studij cures te satiare cibus.
Segnitiam fugias, quando tu cunque quiescis:
Versa aliquod mente tunc pietatis opus.
Aut animo tractes, quæcunque negotia restant,
Plus etenim semper mens requieta videt:
Accelerat tardum, perplexum digerit omne,
Et durum mollit, aspera plana facit.
Nunquam prudentis mentem decet esse solutam
A gestis, quamuis dextera fessa vacet.
Quid peccent alij, non sit tibi maxima cura
Discere: quid pecces, sit tibi cura magis.
Discere semper ama, dimittas querere quis sit.
A quo perdisceas: sit didicisse satis.

Consilium

D. MANCINI

Consilium alterius de rebus concipe gestis:

Ex minimis etenim noscere magna potes.

Aetas prima monet, qualis sit quisque futurus:

Et reliquam vitam indicat una dies.

Non dicti, aut facti quisquam te mouerit auctor,

Sed tantum motus sis ratione rei.

Nec tibi plus placeas, quia multis fortè placebis:

Id specta potius, qualibus ipse places.

Illud fac quæras, quod non reperire negatum est:

Et tenta ut discas, quod modo scire licet.

Ille etiam exoptes, quæ coram optare licebit:

Turpe est, quod nequeas, concupisse palam.

Alta nimis caueas, ubi sit, te stante, tremendum,

Aut si descendas multa timenda putes.

Illuc intendas nervos, cunctosq; labores,

Quò si peruenias sit tibi parca quies.

Sunt quædam, merito quæ perquisisse probere,

Sed cum sat fuerit, est retinenda manus.

Cum tibi pro vita fuerit quesita facultas,

Id quæras pro quo vita tributa tibi est.

Non opibus multis fueris famulatus auarus,

Sed vitæ famulas semper habebis opes.

Quicquid non faceres, si præsens arbiter esset,

Non magis id facias hoc quia teste cares.

Cum tibi ridebit vultu fortuna secundo,

Vtere consilijs tunc magis atque magis:

Nam velut in lubrico nequeunt consistere plantæ,

Sic solet & felix perdere sepemodum.

Nec magis à falsis nauis gemit acta procellis,

Quam ratio in multa prosperitate gemat.

Propterea placide dum spirant flatibus auræ,

Non quocunque lubet, sed loca tuta pete.

Sæpe mari placido scopuli latuere sub unda.

Sæpeque per scopu'os læsa carina fuit.

AEquore

DE QUAT. VIRT. LIB.

Aequore tranquillo dum currunt carbasa plena,
Impronsa venit sæpe procella furens.
Fallere te nullus vult, qui tibi dura minatur,
Sed magis, ut caueas, turbibus ille monet.
Fallimur à placidis verbis, vultuque sereno:
Cum sapido capimus sæpe venena cibo.
Sic solet arridens multis fortuna nocere,
In quos turbata non fuit illa potens.
Vir patuit prudens: sed iam nunc munera dicam
Iustitiæ, per quam nescitur orbis amor.

DE IUSTITIA.

Iustitia est quedam naturæ sanctio, multis
Quæ iubet ut prosis, auxiliūque feras.
Inter mortales sic mutua vincula necis,
Humanum ut seruet, sola vel illa genus.
Vtile non quæras an sit quod iusserit illa:
Nam, quicquid iubeat, utile semper erit.
Iustitiæ primæ partes sunt, reddere honorem
Christo, qui nobis omnia, seq̃, dedit.
Ergo, si quis erit gaudens cognomine iusti,
Ille Deum imprimis religiosus amet.
Sic amet ille Deum, quod contra dignus omni
Quod sibi sit merito gratia parta Dei.
Esse Deo gratus poterit, quicumque nocere
Vult nulli, & cunctis utilis esse cogit.
Sic Deus est homini, qui nulli lumina Solis
Denegat in terris, si licet usque malus.
Non plede officium iusti compleverit ille,
Qui nulli prodest, qui neque prorsus obest:

D. MANCINI

Quippe requirit opus, quod sit laudabile, virtus:
Non habet illa satis, abstinuisse malis.
Non sumus ad nostra tantum ipsi commoda nati:
Ferre alij gratam quisque tenetur opem.
Nati homines hominum causa sunt (teste Platone)
Ut sese faciles ultro, citroque inuent.
Nec ratio est simplex, aut omnibus una iuuandi:
Auxily cuique propria causa data est.
Si nequeas opibus quenquam, rebusque iuuare,
Ast operâ saltem, consilioque iuues.
Quin etiam poteris fortis prohibere nocentes,
Ne lædant grauius viq, dolisq, bonos.
Nec minus hortando, solando, tumque monendo,
Iurgando & multos ipse iuuare potes.
Sed gradus officij dandis, seruandis, & ordo est:
Ordine nam cuncta splendidiora nitent.
Quippe Deo primum debes persolvere cultum:
Ponè Deum poscit patria prima locum.
Hinc gnatos, charosque tuos curare parentes:
Post tibi quos sanguis, quos quoque iunxit amor.
Nec, quos paupertas, quos morbus, quosue senectus
Oppressit, spernas: sed miserere magis.
Inter & hos, si quos morum commendat honestas,
Hos oculis propius intueare tuis.
Sunt etiam, qui te quondam iuvere, iuuandi:
Sed referant sœvus tunc in amore vices.
Ut iubet Hesiodus, campos imitère feraces,
Semina qui domino multiplicata ferunt.
Est tamen ut caueas, ne, dum sis utilis uni,
Id damno alterius feceris, atque malo.
Provideas pariter, dum vis nimis esse benignus,
Ne tibi res desit, atque aliena petas:
Sæpe etenim censu consumpto prodigus omni,
Aut rapit, aut turpem contrahit ipse notam.

DE QVAT. VIRT. LIB.

Non etiam ut magnus fias, te dede rapinae:
 Nam neque quò regnes, ius violare licet.
 Nec tantum à iusto violentia longius absit:
 Sed fraus atque dolus debet abesse procul.
 Vulpeculae fraus est, vis est innata leoni:
 Vtraque sed iustis est aliena viris.
 Quin populo ex omni, nullus capitalior illo,
 Qui lupus est intus, pelle videtur ovis.
 Nec solum facto, sit sepe iniuria verbis,
 Obiectes si cui crimina falsa reo.
 Quod verum est semper profer, semperq; tuere;
 Sic nihil ut vero tu venerere magis.
 Nec verum credis violari posse negando,
 Quin sic religio est, tum violata fides.
 Nam licet in testem non sit Deus ipse vocatus:
 Attamen is custos, utroque testis adest.
 Et si quando licet mentiri, forte licebit
 Tantillum, ut vera sint manifesta magis.
 Quicq; fidem ut seruet, fuerit non vera locutus.
 Forsitan est veritatem dignus habere suam.
 Est seruanda fides sic, ut constantia semper
 Adsit pollicitis, pactaque sancta velis.
 Sæpe tamen fateor tempus contingere posse,
 Quod neque damnandum sit, violare fidem:
 Ut quia promittam tibi quod non utile fiat,
 Aut mihi plus noceat, quam tua facta inuēt.
 Theseus optasset, Neptunum pacta negare,
 Cum traxit miserum curribus Hippolitum.
 Non commissa sibi iustus secreta loquatur,
 Sed taceat quicquid non licet ore loqui.
 Vocibus ambiguis litis non semina iactes,
 Iudicium certum sed magis ore feras.
 Aut potius taceas, cum non sit causa loquendi;
 Sæpe sibi, atque alijs garrula lingua nocet.

D. MANCINI

Publica si quando tibi sit commissâ potestas,
 Aut si turba tuæ sit numerosa domi;
 Corrige, quem facinus, quem reddit culpa nocentem:
 Non laus est, lenis quod reputere nimis.
 Nam peccare facit multos, qui ignouerit vni:
 Dumq; vni praeest, pluribus ille nocet.
 Quicquid peccabunt multi, te dante fauorem,
 Cunctorum iure es criminis ipse reus.
 Sed fauet is, si quis non punit crimina, Praeses:
 Iudicis est nimius virga benigna fauor.
 Subruit ille hominum cætus, & subruit vrbes,
 Per quem iusta malis pœna remissa fuit:
 Subruit, ut flammam qui multam spargit in aedes,
 Aut remouet portis, hoste premente, feras.
 Non erit hic lenis cuius Princepsue vocandus,
 Sed dici potius pestifer ille potest.
 Non tamen in pœnis mensuram excedere sis est:
 Est pulchrum rebus omnibus esse modum.
 Supplicium sumens, non sis immitis & asper,
 Letus ut alterius tu videre malo:
 Sed plecte inuitus, veluti sis tractus ad illud
 Officium, & doleas tanta patrâsse reum.
 Quin quoque si plures eadem dat causa nocentes,
 Non illum absoluas, hunc retinere velis.
 Non pœnâ afficias hos, dum tu munere donas
 Illos, quos facinus arguit illud idem.
 Improbitas eadem, pœnam patiatur eandem:
 Nec genitrix huius, illius hostis eris.
 Sic fertur solers quas nectit aranea telas,
 Solim pro minimis fila parare solet.
 Si veniat crabro maioris ponderis, illas
 Perfringit telas, dilaceratq; leueis.
 Inuoluunt minimas pendentia retia muscas,
 Quarum cum misero murmure vita perit.

DE QVAT. VIRT. LIB.

*Sic solet & pauper puniri lege seuerâ,
Si peccat: diues lege refixa fugit.
Si tibi deliquit quisquam, non ultio maior
Delicto fuerit: sufficit esse parem.
Si tamen ignoscas, vindictâq; nulla placebit,
Iustior es, multò gratior atque Deo.
In famulos etiam iustum seruabis, & æquum:
Iis iusta impendas, nec nisi iusta petas.
Hos credas fratres nobis natura creârit,
Vt seuire nefas latius esse putes.
Abijce, si grauius tibi peccant, vel miserere,
Si leuiter: sapiens quis queat esse satis?
Iustitiâ postquam sineis referauimus ipsos,
Dicamus sortem, magnanimumq; virum.*

DE MAGNANIMITATE.

Magnanimum fateor, qui, quòd teneatur honestum,
Vltro dura subit, qui neque seua pauer.
Non timet hic homines, non & discrimina mortis:
Quidquid contingat, ferre paratus adest.
Non animum magnum possunt tormenta minâq;
Vnica sed ratio sancta mouere potest.
Non tamen exposcit temerè discrimina, quanquam
Effugiat timidi nomen habere viri.
Stultius haud quidquam, quàm se offerre periculis:
Cum possit tutò, non minùs illud idem.
Est nimium demens, tranquilla si quis in vnda,
Spumiferos æstus optet habere freti.
Qui patriam inculcat, violat qui publica iura:
Non vir magnanimus ille putandus erit.

D. MANCINI

*Est audax potius, temerarius, impius, amens,
 Est quicquid possit lingua referre mali.
 Nec vir fortis erit, querens sua commoda: sed qui
 Vim prohibet patriæ, nec facit ipse suæ.
 Nulla animi laus est, nulla est præstantia facti,
 Iustitia unde procul est, patriæq; salus.
 Nec nisi vir rectus, vir simplicitatis amicus,
 Magnanimi, & fortis nomen habere potest.
 Non te factorum delectet fama tuorum,
 Sed per se placita sint benefacta tibi.
 Magnanimus claris in gestis ponet honestum:
 Et populi voces respicit ille parum.
 Non magni est animi qui vulgi pendet ab ore:
 Sed dare qui potuit, quod cupit ipse, sibi.
 Qui nimium tribuit titulis, & queritat illos,
 Ille nimis vanus, & puerilis homo est.
 Est animi imprimis magni, res spernere cunctas
 Externas, nimium quas rude vulgus amat.
 Res humileis spernæs: animus petit ardua magnus:
 Quicquid habet tellus, se putat esse minus.
 Non oculus quicquid cernit, vel dextera tangi,
 Sed quæ mente capit, ardua, & alta putas.
 Qui spernit terras, animo cœlestia tangens,
 Illo non ullus, ut puto, maior erit.
 Atqui magnus homo est, quisquis versatur in imis,
 Et neque de terra tollit ad alta caput.
 Quis neget esse hominis magni, virtute mereri
 Dignum cum summo Rege tenere locum?
 Ergo non magnus, sed maximus ille feretur,
 Qui summi meruit aulicus esse Dei.
 Quis neget esse virum fortem, qui viribus urbeis,
 Et longa magnas obsidione capit?
 Ergo non fortis, sed erit fortissimus ille,
 Qui sistet capta victor in arce poli.*

DE QUAT. VIRT. LIB.

Non hominem magnum terrent quicumque labores.
Ut tandem absoluat, quod bene cepit, opus.
Sic te non pigeat pulsare palatia cœli:
Ut referet facilis ianitor ipse fores:
Non quenquam renuit pulsantem ianitor altius,
Et nulli non dat, si modò iusta petit.
Quare age non unquam tu brachia fessa remittas,
Quandoquidem mox te præmia certa manent.
Palmam sine feres, ad finem pergito: namque
Æquore decurso, digna corona datur.
Nec finem nimium tibi credas esse remotum:
Cum minimè reris, sæpe propinquus adest.
Non animus magnus seruit, sed liber ab omni
Est vitio, recti perpetuusque comes:
Nec patitur luxur superet, turpisq; libido:
Sed superat sensus fortior ipse suos.
Seruitium maius non est, nec turpius ullum,
Quàm quo sub vitij mens religata iacet.
Libertas animi vera est, quam nulla voluptas
Imperio cogit, seruitioq; premit.
Nil admiratur, nisi quod videatur honestum;
Nil nisi quod semper, quod propriumq; manet.
Casibus aduersis constans succumbere nescit,
Tanquam si semper res sua salua foret.
Sed nihil aduersi censebit maximus ille,
Omnia qui in mente credit habere bona.
Ille autem solus complectitur omnia mente,
Pectore cui Christus nocte, dieq; sedet.
Aspectum seruat, grauitas quem vestit, & ornat:
Nec trepidat verbis, languidiûsque sonat.
Non magni est toruos oculos, vultûsque minaces,
Sed magis est mitis frontis habere decus.
Non etenim fortis gestu, vultûque probatur:
Sed factu, atque animo fit mihi magnus homo.

D. MANCINI

Non quia tu populi verearis ferre repulsas,
 Propterea res est publica agenda minus.
 Non patriam linquas, quia sit tibi pugna futura:
 Non aliter fortis nosciet ipse potes.
 Præterea quem sacra fames, et forma mouere
 Cœperit, haud magnus, imò pusillus homo est.
 Tormentet quatinus scelerata pecunia paruos,
 Esse tamen magnis illa molesta nequit.
 Nil minus est animo, nil est angustius illo,
 Qui seruit nummis, cui dominantur opes.
 Ille autem est fortis, qui scit contemnere pauper
 Diuitiis, animo non cupiendo suo.
 Aut si diues habet, qui sic partitur amicis,
 Subsidio ut multis gaudeat esse viris.
 Quam vulgata viros inter sententia Pyrrhi est,
 Cum redimit captos saucia Roma suos?
 Inquit enim Pyrrhus, pretium numerare volenti:
 Non aurum posco, non mihi dona dabis:
 Certemus ferro, non auro: campanateis
 Contrectare aurum, nos decet arma viros.
 Dignum rege quidem verbum: genus æacidarum,
 Ostendit magnum viribus, atque animo.
 Nec minor ipse animo (Curi Dentate) fuisse,
 Cum tibi Samnites aurea dona darent:
 Torrebatis modicum rapas tu leuasti ad ignem,
 Explicuit Samnis cum sua dona cliens.
 Malo equidem dixisti, siquid capere catino,
 Quam fuluis: tecum misera missa refer.
 Non aurum volumus, potius sed habentibus aurum
 Esse super volumus, hoc cupimusq; magis.
 Corpore sunt etiam subeunda pericula rerum,
 Sunt res difficiles, improbioreq; labor.
 Non tamen hæc temerè, sed rectius ante videndum
 Quid ratio assentit, quid ferire negat.

DE QUAT. VIRT. LIB.

Non etenim tentet sese maiora, suisq;
Viribus, ut ceptum turpe relinquat opus.
Sæpe nimis fidens sibi magna negotia sumit,
Que neque cum peragat, dedecus inde refert.
Attamen & caucat, nimium dum prouidet omne,
Ne visus trepidam quærere velle sugam.
Nempe mori præstat, quàm turpem viuere vitam:
Seruitio mors est anteferenda viris.
Non certes armis, nisi cum certare necesse est:
Namque ferum nimis est, conseruisse manus.
Nunquam suscipias bellum nisi pacis amore:
Sed pax nil fraudis, nil habeatq; doli.
Dignius in magno nihil est, quàm parcere victis:
In quo naturæ conuenit ille Dei.
Non tantæ est laudis, vi debellare superbes,
Quante est clementem se, placidumq; dare.
Inter Cæsareas virtutes prima refertur,
Quod placidus victis ciuibus ille fuit.
Magnanimum mitem fecit natura leonem,
Prostratis pueris, exiguisq; feris.
Non nisi præmonito dudum conflixeris hosti:
Namque animos timidos indicat ipse dolus.
Non odio quenquam, nec sis liuore sequutus:
Hoc etenim angustis mentibus esse solet.
Si quis te verbis, vel factis leſit iniquis,
Hunc tecum reputa nil nocuisse tibi:
Sed tantum mentem dicas habuisse nocendi,
Et mentem optatum non habuisse suum.
Nam nisi se le dat, certè non le dicitur ullus:
Namque alius mentem tangere nemo potest.
Cumq; ulciscendi fuerit tibi facta potestas,
Hoc pro vindicta sit potuisse satis.
Ultio nulla quidem maiori cedit honori,
Quàm tibi que sprota, quæque remissa fuit.

Occulto

D. MANCINI

Occulto quenquam non carpes ipse susurro:
Sed si quem argueris, aggrediare palam.
Magnanimum faciet tantum mens conscia recti,
Mens pura, & simplex, intemerata fides.
At trepidum facient sordes, & crimina vite:
Omnia iam metuit, quem sua vita premit.
Cor mundum nunquam torpet formidine tristi:
Nam quicumque sine est crimine, quid metuat?
An mortem? munus sibi quam natura parauit,
Per quam non dubius regna beata subit:
An vel supplicium? cuius non ille dolorem
Sentit, dum sanans vulnera Christus adest.
Quid timeat, quem Christus amat, quemq; ille tuetur?
Numina cui cœli cuncta benigna fauent?
Martyribus potuit quis quondam inferre timorem?
Vincere tam magnos qui potuere viros?
Non illos reges superarunt, nonque tyranni:
Non populi, admissæ nec valuere feræ.
Præsidibus coram iuuenes, pueriq; senesque,
Et fragilis mulier, non habuere metum.
Non arcus, non arma neci distincta, rogusque:
Non iaculis seuæ, verberibusq; manus:
Non carcer, non longa fames, tormenta, sitisque:
Non oleum, non pix, nonque fluentia maris:
Munera, nec regni partes, promissaq; regum
Coiungia, in turpem non pepulere fugam.
Nec tantum natos lati valuere parentes
Spectare in flammis, in crucibusque suos:
Quin magis infantis genitrix hortata tenellos,
Et frater fratrem, sponsaq; chara virum.
Quis possit sanctos morientes dicere victos?
Victores potius morte fuere sua.
Fortius aut maius nihil est quam vincere mundum,
Vincere quam terras, & superare polos.

DE QUAT. VIRT. LIB.

Nil pariter *fœlix homini, pariterque beatum:*
Nil pariter dulce, quàm tibi (Christe) mori.
Nec tantum gladio, sed viui possumus ipsi,
Hoc tibi contempto corpore Christe mori.
Qui gladio moritur, tantum semel occidit ille:
Occidit hic sæpe, qui sua membra domat.
Nec datur hanc cunctis gladij contingere mortem,
Qui cupiunt: Gladius gratia summa Dei est.
Quem fuerit Christus dignatus morte perire
Consimili, certe est proximus ille Deo.
Iam satis in magnis animis versata Thaleia es,
Nunc reliquum propera sancta referre pede.

DE TEMPERANTIA.

Diximus inuictas mentes, referre modestas,
Et locus, & tempus, propositumq; monet.
Qui cohibet motus animi, seruatq; decorum
Dictis, & factis, is moderatus erit.
Ergo ut sis talis, tecum tua vota rependas:
Et bona persequere, cætera missa face.
Sunt bona, quæ simplex tantum natura requirit:
Non ea, quæ fastus ambitioque iubet.
Non eget hic multis, qui se possederit ipsum:
Qui se possideat, se putat esse satis.
Omnibus & rebus prædiues semper abundat:
Esse vel absque opibus dicier ille nequit.
Nam se quisque potest per se præstare beatum,
Si modo possideat omne, quod intus habet.
Cui sua non sat sunt, aliud sed queritat extra,
Ille miser semper, semper egenus erit.

Nam

D. MANEINI

Nam numero quamuis habeat sibi plurima diues.
 Plura tamen multo semper habere cupit.
 Sese autem totum, ni fallor, possidet ille,
 Qui sane est mentis, quiq; videnda videt.
 Corpore ceu totus censetur, & integer esse,
 Omnia qui validus integra membra gerit.
 Contrà non totus censetur lumine cassus,
 Nec si cui nasus, pesq; mannsq; deest.
 Sic etiam, si cui caligant lumina mentis,
 Mersus in errores, non sibi totus adest.
 Ergo habe te primùm, nec res perquire remotas:
 Pars tibi cum desit, proxima queque tua est.
 Ut sese prudens habeat, de corpore morbos
 Pellit, & assiduè noxia cuncta cauet.
 Quis nam consultò sumit, potatq; venenum?
 In fosseam quis se præcipitanter agit?
 Quin si quis biberit casu vel fraude cicutam,
 Antidotum medicos protinus ille petit.
 Si cui crus fractum, subito conducet aliptem,
 Quin oculis lippis & medicina sua est.
 Quod magis est dicam, claudus si incedit asellus,
 Continuo fabrum tu proprio ore vocas.
 Cur quoque si morbus sensum, mentemq; grauauit,
 Non adhibes curam, respiciasq; tibi?
 Hoc etenim cura est maior tibi mentis habenda,
 Quo superet corpus nobilitate sua.
 Quid iuuat in tantos illam mersare labores?
 Semper ut ancipiti se rotet illa malo?
 Cur illam in flammis noctesque diesque fatigas,
 Et perdis melius, quod potiusque tenes?
 Impius es nimium, nimium crudelis, & asper,
 In te qui proprias inijcis ipse manus.
 Quid tantis certas inuoluere retibus illam,
 Scilicet unde volens explicuisse nequis?

DE QUAT VIRT. LIB.

En quatitur vigilans curis, quatiturq; quiescens,
Acta velut stimulis irrequieta furit.
Tu tanquam tortor, tanquam Bellona flagello
Persequeris seuius, illa misella fugit.
Nonne foret satius de corpore perdere dextram,
Quam partem, cuius viribus ipse sapis?
Quam partem, e summo quæ est tibi tradita cæle,
Qua sine cum reliquis annum credere seris?
O tibi quam falsa est spes viuo, & funere functo,
Si vita & mortis dux tuus ager abest.
Sunt ergo in primis morbi de mente sugandi,
Quò tibi sis totus, deficiatq; nihil.
Hanc tu per salubreis, & rectos dirige calleis,
Sana tibi officium præstet ut ipsa suum.
Sed ne te longum teneam, charissime Lector,
Officium sana mentis id esse puta:
Ut tantum speret quod prosit tempore in omni,
Quodq; sit immensum, vel sine fine bonum:
Ut timeat quicquid possit sine fine nocere,
In quo non adsit, qui ferat ullus opem:
Omnibus ut studiis solers ea gaudia quærat,
Quæ nullus morbus frangere, visq; potest:
Ut doleat solum damnum, quod nulla voluptas
Consequitur, vel quo vita salusq; perit.
Cætera nil pendas, nisi quantum penditur, & sis
Hospiti, unde putat hospes abire citò.
Quin ea tu pondus credas, morbosq; grauanteis,
Quæ te vel perimunt, vel remorantur iter.
Debet onus, morbumque simul vitare viator,
Ut peragat cæptam, quam cupit ire viam.
Est via, qua gradimur, vita hæc: erit altera vera
Patria; perpetuum vel dabit exilium.
Si patria, ad charos proavos charosq; parentes
Ibimus, ut constet omnibus una quies:

D. MANCINI

Sin verò exilium, capiet nos ultima labe:
 Accipiet fletus, perpetuusque rogas.
 In patriam redeunt, qui freti munere sane,
 Mentis ab aduersis se explicuere malis:
 Exilium contrà subeunt, qui erroribus acti,
 Vertere se ad verum non potuere bonum:
 Mens errat, quoties ratio non imperat, & cum,
 Quae bona sunt, cernit, deteriora sequens.
 Sed nimium fuimus digressi, idemque redire
 Causa monet, nostrum propositumque sequi.
 Inceptum fuerat nostrum, moderatio motus:
 Quòdque nitet rebus, conspiciiturque decus.
 Hac in re noster sermo versabitur omnis
 Tam liquidò, quantum nostra Thaleia potest.
 In primis igitur studeas seruare decorum,
 Vis magna officijs eius inesse solet.
 Dicitur id duplex, cum quoddam sit moderantis,
 Quoddam commune, quod generale magis.
 Quod commune ferunt, est quod comitetur honestum
 Omne, & inest illis, nec valet esse sine.
 Hoc magis apprensus oculis, simul auribus extat,
 Hoc sine nil rectum, nil reor esse bonum.
 Non aliud fuerit quàm conuenientia rerum,
 Quas homines rectè, vel sapienter agunt.
 Et velut in toto confusa est corpore forma,
 Nec tamen est corpus, sed magis id quod inest:
 Sic etiam recto censetur inesse decorum,
 Quod rectum exornat, quòdque videre iuuat:
 Sic mouet hoc animos, oculos ut forma venusta
 Corporis oblectat, detinet, atque mouet.
 Aptius id cernàs interno lumine mentis,
 Quàm verbo aut calamis id referare queam.
 Sed decus est aliud, quod partem spectat honesti,
 Quae proprios motus temperat, atque regit.

DE QUAT. VIRT. LIB.

Hoc habitu, gestu, mensura, voce, pudore,
Est positum, in cultu, tempore, tumque loco.
Hoc facit ut placeas, gratus sis omnibus vnus,
In populum de te fama perennis eat.
Nec spernas, populus de te quid sentiat omnis:
Est graue cunctorum spernere iudicium.
Iudicio inferui populi: namque esse superbus
Creditur is, solus qui sua facta probat.
Offendunt animos hominum deformia quædam,
Ut violant corpus spicula missa manu.
Qui tamen offendunt, hos dicimus inuerecundos:
Dicimus iniustos, qui violenta mouent.
Corporis haud tantum seruandum crede decorum,
Est animi interius sed magis atque magis.
Ast animum poterit componere quisque decenter,
Imperium ratio si tenet ipsa suum:
Aut si deiecta est propria de sede: resumit
Confestim solium, quo sedet illa, sacrum.
Hic primum turpi tu te seruabis ab ira,
Deformat vultum, quæ simul, atque animum.
Turpius irato quid possis cernere vultu,
Cum fluit à rabido spumens ore liquor?
Sic despumat aper cinctus latrante caterua,
Sic etiam frenis exagitatus equus.
Non hominem dicas, feruens quem concitat ira,
In Furias versum incipit esse fera.
Consilium perdit, tanquam furiosus, & amens:
Pœnitet hunc facti protinus inde sui.
Quò pestem hanc fugias, tecum mediteris antè,
Ut constes, si te causa furoris adit.
In specula tanquam vigilat, qui præuidet hostes:
Sic vigila, incauto ne ruat ira tibi.
Egrediensque domum, tanquam certamen adires,
Limine sub primo prouidus arma cape.

D. MANCINI

*Tecū para, sicut timeas ne forte latrones,
 Aut tibi non visus hostis obesse queat.
 Si tamen incautus fueris prolapsus in iram,
 Ne tuleris mersum te iacuisse diu.
 Interea nullo sumas de crimine pœnas,
 In pœnis vllum non habet ira modum.
 Seuitiam nimiam tu detestabere semper:
 Et modicas pœnas tu pius ultor ames:
 Præcipue dulcibus genitor si affligis alumnos,
 Cum modica in natos pœna sit apta patris.
 Ad veniam pronum cum te natura creauit,
 Syluestres crudus non imitare feras.
 Est quoque vitandus motus contrarius iræ,
 Qui semper ludo vertitur, inq̃ ioco.
 Non nos ad ludos genuit natura iocosq̃,
 Sed multo grauius illa requirit opus.
 Vtilis in dictis, sis plusquam voce facetus:
 Seria sint crebro, variior ipse iocus.
 Non tamen illa vetat nos ludere, nonq̃ iocari:
 Sed iubet in rebus omnibus esse modum.
 Non decet, ut tanquam durus fugiaris & asper:
 Nec quoque contemptus sis leuitate tua.
 Gloria non ludo tibi sit quesita, iocoq̃,
 Vt tota fias ludius vrbe vagus.
 Vt liquit fessis vires reparare quiete,
 Sic salibus raris te recreare licet.
 Cumq̃ iocum misces, sic moderare dictis,
 Ne facile ex ipsa tu grauitate cadas.
 Sit iocus ingenius, moderatus, sit verecundus,
 In quo vel multum luceat ingenium.
 Ergo ubi tempus erit, non tanquam scurra volabis:
 Sint salibus pondus, gestus & ipse grauis.
 Vox tua non nimio fuerit clamore soluta,
 Nec citus incessus, cuiq̃ tumultus inest.*

DE QVAT. VIRT. LIB.

Non lédant quénquam, caueas, tua verba iocosa:
 - Contristént nullum, sint sine dente sales.
 Nec ridere vétant quénquam mea scripta modéstè,
 Sed nimium risum forma decóra vétat.
 Tarpis enim risus nimius: nam fusus ubique,
 Quid pueri, & fractus, quid mulieris habet.
 Est odio dignus, quò furtum rilerit, & qui
 De damno alterius soluerit ora iocans.
 In ludis vites, quo quæstus quæritur, & quo
 Iacturam nimiam temporis ipse facis.
 Si fueris iuuenis, ludum tibi quære laboris
 Qui causam præstet, quem moderare tamen:
 Ludere non unquam vidi, nec perdere tempus,
 Egregium digna cum gravitate senem.
 Nec iuuenem vidi nimio se dedere ludo,
 De quò præcipuis spes sit habenda boni.
 Sit tibi congressus cum doctis, cumq; peritis,
 Cum studio lassus, te recreare cupis.
 Ingenij vires auget meditatio, gressus
 Incolumes artus non minus ille facit.
 Sentiat & frénus Veneris, cibiq; voluptas,
 Ne quantum libuit, sit spatiosa procul.
 Qui nimis indulget Veneri, parèq; palato,
 Re pecus est, tantum nomine dictus homo.
 Quisque Cupidineas poterit compescere flammæ,
 Qui somenta rogis abstulit apra suis.
 Quisq; nihil voluens animo, quod concitat ignem,
 Nec nisi servata sobrietate bibis.
 In pugnam dubij noli prodire duellum
 Cum Venerè & mensa præliari caue.
 Nec tentare velis, quam sobrius, atque pudicus,
 Cum Thais, & mensa sit tibi structa propè.
 Difficile est, flammam non se inclinare repentè,
 Proxima dum rapido sit sita stupa rago,

D. MANCINI

Turpia quò vincas, fac certes eminùs illis,
 Fac tua ne subeat tectà petulca cohors.
 Ne veniant intrò, cum vestibùs obstrue portas,
 Non tantum est illis conscriuissè manus.
 Non sine te victo, credas, in fine recedent;
 Ipse triumphatus, & spoliatus eris.
 Queritur hac in re solùm fugiendo triumphus;
 Quod mirere magis, est data palma fuge.
 Denique captiuus si fortè Cupidinis ires,
 Te properè redimas, quàm minimo ære potes.
 Excute de miseris laqueos cervicibus ipsos:
 Vim facias, fugias; est mora plena mali.
 Nam quicumque fuit Veneri blanditus, ab illa
 Durius affectus ignibus esse solet.
 Cumq; homo sis, certè diuinæ mentis imago:
 Vt Deus à carne est; sic procul esse stude.
 Quamuis clam pecces, semper tamen est tibi testis:
 Cur alium, quàm te, tu vereare magis?
 Qui latitant, intus motus deponè decoros,
 Nec minus id cures, si quia fortè latent.
 Namque parum refert, quòd nemo perspicit illos,
 Quos tacito tecum nocte dieq; vides.
 Omnibus est vitio Veneris damnosa libido,
 Sed nihil in senibus fœdius esse potest.
 Præterea senibus nimirum conuenit illud,
 Exemplo ut iuuenes, consilijsq; regant.
 Se præstent tales carà, sermonibus illis,
 Vt possint multo semper honore coli.
 Hoc solo quondam fuerat veneranda senectus;
 Hoc solo antiquos iij coluere patres.
 Sed contrà iuuenes senium venerentur, honorent;
 Sint comites longæ, subsidiumq; viæ.
 Curia si poscat, seu sacri festa diei,
 Hærebit senibus officiosa cohors:

DE QVAT. VIRT. LIB.

Ex quibus optabunt, cuius præcepta sequantur,
Gesta simul cuius sint imitanda magis.
Est (fateor) magnum signum virtutis in illo,
Obsequio gaudet qui celebrare senem.
Confirmet iuuenum labor, & patientia corpus:
Arcendi à Venere sunt, nimioq; mero.
Sintq; cibi viles positi, vulgataq; mensa:
Nam tantum venter, non situranda gula est.
Non epulas iuueni mittat famosa popina,
Sed quas decoxit parca coquina patris.
Sed neque desidiæ dederint se ætate senili:
Quis neget à senibus plurima posse geri?
Aut leget, aut scribet, cum primum ex æde reuersus
Sacra, ubi iam primo Sole oriente fuit.
Aut puer addiscat, tum plurima corde reponat:
Nam facile est puerum cogere ferre iugum.
Ne cures, sensus si non percepit ad unguem,
Cum recitat multos ordixe mente libros.
Nam sparsum in terra semen, producere germen,
Differt per menses, & tamen inde feret.
Interea terre matris nutritur in aluo:
Cui tacito vires suggerit illa suas.
Sic puer à teneris quæcunque acceperit annis,
Reddere iam fructus sentiet illa senex.
Sit tibi conueniens cultus, grauitateque dignus;
Nec retegat vestis, quod tibi corde latet.
Vestis enim multos molles de: exit: & intus
Innatum prædit, quod latet vlcus iners.
Quæ rubet in summo carnis vesica pusilla,
Est index infrà sanguinis illa mali.
Delicias potius credas mulieribus aptas,
Quamuis, nec nimias in muliere probem.
Quare deliciæ si sint, non mollis inhere,
Nec, si non fuerint, auxiis ipse pete.

D. MANCINI

Fæmineos cultus & gestus sumere molles,
 Vir putet indignum, ridiculumq; simul.
 Quid magis est contra naturam, siue decorum,
 Quàm sub fæminea viuere veste virum?
 Sorde tamen careas, ne tu videaris agrestis:
 Mollitiem pariter, duritiemq; fuge.
 Sis pauper quamuis, tu mundè viuere debes:
 Nam neque, qui pauper, sordidius esse licet.
 Nec qui te mollem prohibet, te suadet agrestem,
 Et durum: quod stat inter utrumque probat.
 Dedecet, extremis nimium quodcunque propinquat:
 Est laudi, centrum quod mediumq; tenet.
 Simplicitas mense placeat, non arte paratæ,
 Quæ possit tantum tollere parca famem.
 Sufficiens victus tibi sit, nec præbeat ullam
 Mensa voluptatem; sed tibi nuda cibum:
 Excitet ipsa fames ieiunum longa palatum:
 Non sapor inuentus mulceat arte gulam.
 Fercula non numeres, escas sed posce salubres,
 Et placeat quæ olim cæna placebat auis.
 Nec magni esse puta, quod gloria parta culina
 Sit tibi; sed potius sobrietate stude.
 Nec tam parcus eris, subeas quod nomen auari,
 Et sis vulgi fabula trita tui.
 In minimis rebus ne cures figere leges,
 Letitiæ ut nullus sit latus usque locus.
 Nam res parua quidem permagnum dedecus adfert:
 Et tamen illa nihil utilitatis habet.
 At cum sint multæ partes, causæq; decori,
 Præcipua est, scimus qua variare vices.
 Non est semper idem, sed quoquo tempore honestum,
 Ut Proteus multas vertitur in facies.
 Quidquid enim iuuenem decuit, puerumq; tenellum,
 Non eadem possunt illa decere senem.

Conditio

DE QUAT. VIRT. LIB.

Conditio, officium, tempus distinguit, & ætas,
Ut modo quod decuit, nunc tibi turpe putes.
Iamq; magistratus, modo quod priuatus agebas,
Desine: nunc aliud publica causa monet.
Quæ fuerant medijs tibi verba ferocia castris,
Urbe morans mittas: respuit illa toga.
Si studijs ageris iuuenilibus ipse senescens,
Scito quod officium deferis omne tuum.
Si neque mutauit mores promeæta senectus,
Ut tetrum monstrum, diffugienda tua est.
Optasti iuuenis pertingere adusque senectam,
At nunc optanda est altera vita seni.
Ridendus senior, pueri qui suscipit artes,
Tanquam si in cunis nunc recubare velit.
Aspice quàm differs alijs in veste sacerdos,
Tantum differre moribus ipse velis.
Et quo maior apex cingit tua tempora, tanto
Est morum cura maior habenda tibi.
Non facias ut quisque facit, cum non tibi quisq;
Collatus fuerit: per fice maius opus.
Si leo sis factus, mores assume leonis;
Non ultra mores muris habere licet.
Cumque oculos Aquile dederit tibi Christus, in altum
Suspice, nec pergas vertere talpa solum.
Cum fueras miles, castrorum tela mouebas:
Nunc Christi miles, accipe tela, crucem.
Cum medicum gereres, curabas corpora morbis:
Nunc debes factus pascere pastor oues.
Adiugilans noctu pastor custodit ouile,
Ne pecudes perdat vis rabiosa lupi.
Nec satis est, sese pastorem reddere saluum,
Sed debet saluum reddere & ipse gregem.
At qui cum propria vitam contemnit ouilis,
Amotus proprio iure erit ille grege.

D. MANCINI

Pastores ouium multi sese esse fatentur,
Sortiti falsò nomina tanta sibi.
Nam neque ieiuni curam meditantur ouilis;
Nec quæque, si cupiant, munera ferre sciunt.
Quin satur est pastor rarus, licet omnia plenè
Suppeditet stomacho luxuriosa gula.
Adde etiam, nulla carens ut parte decori:
Prospice, persona quæ magis apta tibi.
Est alij laudi, vultum seruare seuerum:
Ast alij leta frons magis apta sedet.
Si velit hic tristem se reddere, fiet ineptus:
Si velit ille hilarem, non magis aptus erit.
Est alius lenis, facilis, sermone facetus:
Hic quoque tristitiæ possit habere nihil.
Hic simplex, veri, & recti sit semper amicus;
Hic nisi cum multa nesciat arte loqui.
Quisque igitur teneat, sibi quod natura secundat,
Si modo nil vitij, nil fouet ille mali.
Est operæ pretium doctos spectare colonos,
Semina qui reddunt congrua cuique solo:
Agricola in primis naturam querit agelli,
Inserit hic plantas, quas regio ipsa cupit.
Collibus insigit vites, in vallibus Alnos,
In siccis melius crescit oliua locis.
Frigida castaneis sunt pingua consita malis,
Littoribus Myrrhus, citrea poma virent.
Gaudet monte Pyrus, sed crescit aquatica lathos,
Et platanus riguis maxima crescit aquis.
Ergo tuam noscas naturam, hærebis & illi
Sedulus, ut præstes; nam sua quemque decent.
Ingenij splendore tui nitère laboras,
Et tibi non pluri sint aliena tuis.
Non bene deuinat, quod quis sortitur ab astris,
Nec facile acquirit, quod sibi stella negat.

Quando

DE QVAT. VIRT. LIB.

Quando metum ceruus deponet? quando leonem
Non timeat taurus? agnaq; parua lupum?
Quando vel assuetam mittet vulpecula fraudem?
Aut erit auritus absque timore lepus?
Non unquam mergus se mergere desinet undis:
Non canet & coruus, nec modulatur olor.
Caprea non syluas, non linquet rana paludem,
Non gemitum turtur arbore mœsta canens.
Non aliter cupimus quidquam renuente Minerva,
Quam nauta aduerso flumine ferre ratem.
Qui trahit aduersis nauem currentibus undis,
Gaudere optatis non solet ille diu.
Quippe quod amissis, superante labore, lacertis,
Reycitur præcepto deteriore loco.
Sic sua qui spernit, captans aliena, frequenter
Amittens propria, non aliena capit.
Quiq; unum retinens, aliud studiosius optat,
Sæpe hic delusus stultus utroque caret.
At si te munus Prætoris, siue Tribuni
Officium ignotum fortè subire iubet:
Vt quia verba foro tibi sint facienda disertè,
Cum neque sis Rhetor, Grammaticusq; minus:
Tunc causam meditare prius, scitare peritos:
Quod nescis discas: suppleat ille labor.
Vt si non possis nomen, laudemq; referre,
Non referas saltem dedecus atque notam.
Que semel est autem viuendi forma recepta,
Hanc serues, temerè nec variare velis.
Si tamen est ratio mutandi, & perferat ætas,
Fac mutans doceas, quod ratione facis.
Non leuis ut ventus, sed pro re mobilis adsis:
Constans, non durus, propositiq; tenax.
Nam variare genus vite, leuitatis habetur:
Si temerè, leuitas non leue crimen erit.

D. MANCINI

Tunc quæque paulatim mutes: nam facta repente
 Versis, non hominum suspitione caret.
 Ipse magistratus cum sis, tuæ exue mentem
 Priuatam, populi te caput esse putes.
 Per te tunc populus loquitur, sentitq; videtque:
 Utile quod fuerit omnibus ergo vide.
 Publica priuatis præferri commoda debent;
 Iuridicus debet immemor esse sui.
 Tum decus observes quod maiestate verenda
 Sit dignum: mutes os, habitumque tuum.
 Multa quidem Prætor prohibet, sic plurima Consul,
 Quæ neque priuato sunt prohibenda viro.
 Multa etiam damnare solet temporisque locique:
 Quæ neque sunt alio tempore digna nota.
 Iurgauit meritis Sophoclem collega Pericles,
 Quod puerum inspexit dum sacra iura daret.
 Si fecisset idem campo, mediaq; palestra,
 Causa fuit iurgi nulla Pericle tibi.
 Ergo velut citharæ concordant ordine nervi,
 Ut cupidæ aures mulceat arte sonus:
 Sic tempus, persona, locus concordet & ætas,
 Officij ut species; tenite atq; decus.
 Est quoque privati tui cum ciuib; æquæ
 Vivere, nec socios subdere velle suos.
 Nec tamen inferiis patiatur subditus esse,
 Cum quæ iura volunt vivere lege pari.
 Non adeo simplex tot contemnaris ab ullo:
 Dumq; velis lenis, languidas esse caue.
 Non cuiquam visus sis ambitiosus, & audax:
 Fac te submissus, non tamen abiectus.
 Æquus eris paribus, sed nec contemne minores:
 Maiores æqua tu quoque mente colas.
 Non tamen hos metuas multa formidine tristis:
 Nam quicumque sine est crimine, non metuis.

DE QUAT. VIRT. LIB.

O quantum debes, turpi tu labe carere!
Res sola hæc homines absque timore facit.
Factio non placeat: communis pacis amator
Consule tranquille, perpetueq; rei.
Qui bene gesserunt iam publica munera, vel qui
Nunc præsumt, merito semper honore cole.
Quos quoque vulgavit virtutis nomen, honora:
Pulchrum est & natis esse in honore patres.
Ipse peregrina si fortè moraris in urbe,
Nullus urbane sit tibi cura rei:
Sed tantum proprij maneat tibi cura negoti,
Ne tibi quis dicat, aduena vade foras.
Sed neque tu debes peregrinos spernere ciuis:
Accipias quenquam mitis in urbe tua.
Durus in externos, hominem sese exiit omnem,
Et versum in sæuam se probet esse feram.
Non alia causa vertit sua membra Lycaon,
Quàm quòd in externos sæuus & asper erat.
Omne tibi credas quòd sit tolerabile pondus:
Sed quod turpe grauat, non tolerabile erit.
Turpe grauat, quidquid mores subuertit honestos,
Et quidquid famæ te facit esse male.
Turpia naturæ celabis membra verende;
Nam natura, tegens illa, magistra tua est.
Histrio, qui in scenam vadit, sibi subligar aptat,
Ne prodat quidquid lex verecunda tegit.
Non igitur tuleris, quòd te verecundior is sit
Scenicus, impune cui licet, esse malo.
Nec Cynicis credas, quibus omnia nomina honesta:
Turpia sed cauens dicere verba palam.
Turpibus abstineas dictis, grauiora loquutus:
Turpia iacturam dicta pudoris habent.
Sit tibi circuitus, cum dicere postulat usus:
Mens etenim, & lingua debet honesta loqui.

Turpia

D. MANCINI

Turpia nam subeunt dicta ad penetralia mentis;
 Sollicitantq; animum quem tenet alta quies.
 Tamq; ea tu spernas, quàm res malè spernis olentes,
 Quàm spernis lubricum progrediendo locum.
 Nam quod olet, nares ledit, via lubrica plantas:
 Sed ledunt mores turpia verba bonos.
 De qua nil didicit quisquam, non arte loquatur:
 Nam sepe est praesens, qui sua dicta neget.
 Graeca parum doctus non differat ore Latinus,
 Virgiliy interpret nec quoque Graecus erit.
 Qui studuit leges, dimittat de medicinis
 Dicere, cui tantum nescia credat anus.
 Praeterea incessu sua debet inesse veritas,
 Cum pateat semper omnibus ille palam.
 Saepe etenim incessus grauius censetur, ab illo
 Namque animi mores saepe videre potes.
 Non igitur lentus, non sit festinus: ametur,
 Quem neutra in parte dicimus esse nimis.
 Non placet incedas, sicut qui fercula portant:
 Nec sicut solita est tradita sponsa viro.
 Non tamen va nimio cursu defessus anheles,
 Aut capite incuruo praecipitatus eas.
 Nec minus in verbis speciem formamq; decori
 Inuenies: laudem ferre loquendo potes.
 Dum loqueris socios inter, charosq; sodales,
 Tunc insit sermo pressior ore tuo.
 At cum verba foro facies, contentio maior,
 Nisibus inq; aureis vox tua missa fluat.
 Verba tamen studeas praeclara expromere voce,
 Claram naturâ tum tua cura dabit.
 Seria si traectas, vultus assume seueros:
 Si leuius quidquam, sit tibi fronte lepos.
 Iudicio fueris plusquàm sermone seuerus:
 Sit tibi, quàm cultus, vita seuera magis.

DE QUAT. VIRT. LIB.

Sit sale conditus sermo, cedasque libenter
Conforti, & vinci sæpe putato decus.
Veridicus fueris, nulli tua verba secudent:
Sed tamen hac in re debet inesse modus.
Nam satis est certè, te dissentire, fateri:
Cui non consentis, desine turpe loqui.
Ausculta socios, cum sis tua verba loquutus:
Te solum turpe est omnia velle loqui.
Si quis contendat (vel falsum) crede proteruo,
Iurgia ne fortè sint ineunda tibi.
Non ideo turbes alios audire volentes
Hoc, quia delectent te referenda parùm:
Quin patiens alios audi quacunque loquentis,
Exeat & sermo rarior ore tuo.
Si iuuat aut tristem te fronte, vel esse seuerum,
Non damnes illos quos iuuat esse hilareis.
Sit tibi contemptus nemo, quia prior ille est:
Consilio & facto, sed magis ipse iuua.
Dum loqueris, caueas, ne sermo lapsus ab ore,
Indicet id morbi, quod tibi corde latet.
Non quenquam carpes absentem: namq; videbis
Proditor incauti cedere terga viri.
Sed spectes etiam, ne sis te carpere visus,
Dum damnas illos, quos imitare viros.
Quoscunque alloqueris, fac ut digneris honore,
Nec minimum è plebe spernere visus eris.
Quin potius studeas, omnes videaris amare:
Nam verè id fertur, non nisi amatus amat.
Cunctorum placidis ineunda est gratia verbis,
Et seruanda vetus semper amicitia est.
Non quenquam interroges acri, nec voce minaci:
Responsum mitis, tu facilisq; dabis.
Non nimis extollas quenquam, nec presseris ullum
Laudibus, & vitis: adsit utrisque modus.

D. MANCINI

Sic lauda aut damna, ne possit dicere quisquam,
Iudicij minimum vel bonitatis habes.
Insuper idcirco non delectabere lingua,
Vulnus in absentes ut iaculere viros:
Quisque quod absenteis carpentem signat, & odit,
Dum putat absenti non secus esse sibi.
Non tibi blandiri quenquam patiare, nec ulli
Tu blanditus eris: error uterque grauis.
Blanditus caueas, quod tu merceris amicos:
Sed neque blanditus te magis ullus emat.
Non plus esse putes, si te quis laudat iniquus,
Quàm tibi si causa laudis iniqua foret.
Adscribe ad laudem veram maledicta malorum,
Summa etenim laus est, displicuisse malis.
Difficile est blandis verbis occludier aureis,
Egregium inprimis idq; refertur opus.
Non puto Syrenas alias, quas spreuit Vlysses,
Quàm blandas linguas: sunt ea monstra satia.
Semper blanda magis, quàm tu maledicta timebis:
Nam vitia ostendunt hæc magis, illa tegunt.
Quem sentit morbum, medicari enititur æger:
At quem non sentit, negligit, unde perit.
Quod patet exterius, facile est curabile vulnus:
Phillyridem fallit, quod latet interius.
Non aliud, quàm sis, studeas in plebe videri:
Sed neque, quod non es, finxeris esse tibi.
Non etiam referas tua fortia facta, genusque,
Et proavos, quidquid nobilitatis habes.
Non decet ut laudum quisquam sit præco suarum;
Nec decet alterius stemmata voce premat.
Alterius famæ dictis non liuidius obstes,
Cantator facti sis minus ipse tui.
Ut sapiens nullus populo sua crimina vulgat,
Sic neque virtutes prædicat ille suas.

Nam

DE QUAT. VIRT. LIB.

Nam laus, ut fertur, proprio sordescit ab ore,
Præsertim falsa, milite digna leui.
Sed magis id facito, quod tu referaris ab omni,
Ductus in exemplum posteritate tua.
At sua qui fatuus diuulgat crimina multis,
Omnibus hic iure creditur esse furens:
Et seu falsa ferat de se, seu crimina vera,
Dignior est pœna, dignior ille cruce.
Si tamen acciderit, quod sis ignotus, & ipsa
Sint tua; tunc parcus illa referre potes.
Fac noscant homines, fuerit tibi siqua facultas;
Ne tamen ijs fiat illa molesta, vide.
Nemo etenim accensam posuit sub corbe lucernam,
Aut oculos propius, quam decet esse, locat.
Gloria nam studio non est tibi vana petenda:
Non sapit is, si cui gloria vana placet.
At vana est omnis: quia quidquid gessimus ipsi,
Non nos, sed summus dux fuit ipse Deus.
Propterea est omnis cœlesti debita Patri
Gloria; sic Christi dicere sponsa docet.
Immeritis igitur nobis est siqua tributa,
Hæc poterit vana dici, atque leuis.
At si quem obiurges, cura ne percitus ira
Sis visus, sed quod doctus amore facis.
Sæpe nihil prodest nimium reprehensor acerbus,
Plus prodest hilaris; nam magis ille docet.
Errori veniam facilis donabis, & illi
Non dandam dices, si repetitus erit.
Si neque verba valent, & charior ipse reprehensus,
Vtere carceribus, compede stringe pedes.
Non nimium longè fueris iurgando profectus,
Inter disiunctos acrior esse caue.
Si sapias, medicos iurgans imitare peritos,
Qui tantum ut sanent putrida membra secant.

D. MANCINI

Sic tu, quò proſis, prudenter corripe charos:
 Non odium queras, dum malefacta refera
 Ergo, ſit hoc raro, cumq; eſt iniuria, ceſſet:
 Sit tunc, cum melior nulla relictà via eſt.
 Si quis te contra moneat, patiare momentem;
 Qui monet, ut proſit, non graue dicta ſeras.
 Nam, ſi te merito iurgauit, potuit ille:
 Sin minus, is uoluit utilis eſſe tibi.
 Te ſi quando procax inimicus dente laceſſit,
 Vtere & aduerſus hunc grauitate tua.
 Heu, quantum nocuit ſine ferro callidus hoſtis,
 Si facit, ut ſolita tu grauitate cadas?
 Non quidquam indignum ſancto tibi decingat ore,
 Quamuis ille canis improba uerba latret.
 Præterea intendas, ne ſermo longius erret;
 Digreſſus propera, luce reuerte domum.
 Proſpice, ne quiſquam dicat iam luce propinqua,
 Iam tandem ad cauſam, propoſitumq; redi.
 Denique cum ſentis ſocios ſermone grauari,
 Deſine, ne pergas longius eſſe grauis.
 Non habites ædes, pictura, & marmore cultas:
 Sed ſalubrem cures incoluiſſe domum.
 Hanc ſeu tu fabricas, pretioſe uſuſcipis emptam,
 Aſpice qualem uſus exigit ipſe tuus.
 Nam domus humanos cum ſolum fiat in uſus,
 Adſit dumtaxat uſibus apta tuis.
 Nec tibi de cultis domibus querenda voluptas:
 Sed magis è cella interiore tua.
 Hanc ſi mundabis, miros tibi fundet odores:
 Sume voluptates, quos cupis inde tibi.
 Cumque domo verſes, non toto tempore uitæ,
 In cella maneas noctibus, atque die:
 Propterea Aſſyrio cures hanc ſpargere odore,
 Hæc cures omni quo decoratur ope.

Nora

DE QUAT. VIRT. LIB.

Non igitur dominus pulchra noscatur ab æde:

Sed domus à domino sit celebrata suo.

Non decet ut totus tibi splendor ab æde petatur,

Splendorem domini sed iuuat ipsa domus.

Non queat illa frequens in te sententia dici:

Quàm dispar dominus est tibi prisca domus!

Sæpe ego dicentes audiui tempore nostro:

Hæc antiqua domus quàm tibi dispar herus!

Non etiam condas maiora palatia ruri,

Quàm modò prescriptus dicet in æde modus.

Sic manum, gestus, sic os, oculosq; gubernes.

In dicium ut præstes, qualiter intus habes.

Quos autem gestus aliorum ducis ineptos,

In te crede illos posse placere minus.

At si quid dubitas, fidos tibi consule amicos,

Ut quicquid peccas te monuisse velint.

Sic faciant docti pictores, sicq; poëtæ:

Interrogant alios quale videtur opus.

Sed neque tu cupidus turpes sectaberis artes,

Multarum ut dominus efficiaris opum.

Sed pariter fugias quæ sordida lucra putantur:

Namque odij causas, inuidiamq; parant.

Quare non custos portus, non fœnoris auctor,

Non lanius, caupo: sor det id omne genus.

Et sordent omnes, quorum non artis emetur

Ingenium, sed opus: id genus omne fuge.

Nil habet ingenij, quicquid vulgata Taberna

Exposuit, quæq; est prompta popina gula.

Alea, saltator, seruant nil prorsus honesti:

Mercator tenuis, sordidus ipse quoque est.

Quisquis emit mercès, illos subitoq; reuendit,

Periurus, vanus semper is esse solet.

Nil autem vano, & periuro turpius extat:

Namq; homines fraudat, negligit ille decos.

D. MANCINI

At si mercator magnus sit mercis opime:
 Ut puto, non magno vertetur ille probro.
 Hic quoque laudari poterit si plenus, ad agros
 Se tandem vertens, agricola esse cupit.
 Nil melius cultu terræ, nil dignius illa:
 Quæ pauca accipiens, plurima donat hero.
 Hanc quondam mundi victores, rure modesto,
 Vertere cum propria non rubuere manu.
 Curia Conscriptos Patres cogebat ab agris,
 Quisque hodie est Consul, antè bubulcus erat.
 Artifices inter medicus laudatur & archi-
 Tectus, qui fabros edificare docet:
 Officij exactor non sis, si redditur ultro
 Gratia, non segnis ipse receptor eris.
 Non citò credideris vulgo, quæcumque feruntur,
 Sæpe fuit falsum, quod mala lingua refert.
 Sæpe mali querunt sub nomine simplicitatis,
 Dum referunt falsa, præcipitare bonos.
 Artibus istorum, quantum potes, ipse resiste:
 Dispice quæ dicunt, dispice quæ faciunt.
 Te placidum studeas rebus præstare secundis,
 Nam magis id debes, quò magis ipse potes.
 At si sint tenues tibi res, solertius queras,
 Ne fueris visus omnibus esse miser.
 Non tua cum doleas, aliorum commoda narres,
 Ne videre suis invidus esse bonis.
 Discere semper amas, nec sit tibi maxima cura,
 A quo tibi discas, sit didicisse satis.
 Quod nosti, doceas alios, id scire volentes
 Sis memòr ex alijs te didicisse prius.
 Iamq; operi finem nostra præstare Thaleia:
 Tempore quæ superant commodiore canes.
 Da veniam, lector, si sum nimis ipse profectus,
 Nam nisi prodesse, nil meâ Musa cupit.

FINIS.

DE PASSIONE DOM.

PETRI CARMELIANI,
in D. Mancini libellum de qua-
tuor Virtutibus, Hexasticon.

Qui cupit eximios mores vitamque beatam
Noscere, Mancini carmina docta legat.
Cardineas libro virtutes quatuor vno
Is bene conscribit, moribus adsimulans.
Mancino cedant Curij, cedantque Catones,
Edita vel quorum scripta fuisse prius.

GVLIELMI DIVITIS,
Gandauensis de passione Do-
minica, Elegia.

QVò fugis ah demens, urgentibus usque periclis?
Quò tandem infelix femina, virq, ruus?
Perdite quid properas certo te obtrudere letho,
Securus quo te Christus amore petat?
Venit in hunc mundum Soboles diuina Tonantis.
Quæ tenet ætherei cum Patre sceptræ poli:
Ex Domino seruus nostræ sub imagine carnis
Paruit, è vero passibilisq, Deo.
Tu cinis, & fugienda lues, sublimia postis
Turgide, nec quenquam credis habere parem.
Ille pius, iusto veneratus honore parentes,
Polluit hand ullis Sabbata sancta malis.
Tu Patris, atque Dei qui te reparauit, abhorres
Lassa: inuolat festos te violare dies,

GVLII. GAND.

Ille suum domuit tenui potiusque ciboque
 Corpus: & ut uiuat, illius esca fuit.
 Tu Bromio indulges, Cypriam sectare nefandam:
 Exaturat ventrem ganea nulla tuum.
 Sermo illi cunctis frugibus populūque frequentem,
 Quo licet ad cælos ire, docebat iter.
 Tu laceras fratrem dictis, Superosque laceffis:
 Te capit obscænis fabula vana iocis.
 Ille manus odit, modico contentus, auarus:
 Pauperis, & lætæ pacis amator erat.
 Tu rapis, innocuum rabido petis ore cruorem,
 Bella mouens, ne te ditior alter eat.
 Obrueris cumulo vitiorum; nulla salutis
 Cura, tibi medicam nec petis æger opem.
 Disce miser quanti te fecerit, ut tibi summam
 Det requiem, & superi gaudia vera chori.
 Ipse Deus pro te capiturque, & sistitur Annæ,
 Cum media hybernis nox ueberetur equis.
 Impetiturque alapis, & iniqui voce ministri;
 Vrbe illinc tota discrucandus abit.
 Testibus arguitur diro sub Principe falsis,
 Dignus ob hoc seu dicitur esse. nece.
 Hinc reus ad Ponti deducitur ora Pilati,
 Fune manum indignis vinctus utramque modis.
 Inde apud Herodis Galilæa palatia Regis,
 Dum tacito est alba luditur ore toga.
 Fallitur Herodes, neque enim color ullus Iesū
 Aptior: hæc puræ munera mentis erant.
 Alba nec infectis fucata est lana venenis:
 Sic macula in nitido non erat ulla Deo.
 Rursus ad iniusti tractus prætoria Ponti,
 Huic licet obiecti sit nata nulla mali.
 Hec pietas, virtutis honor, diuina Propago
 Addicta horrendæ iudicis ore cruci est.

DE PASSIONE DOM.

O dolor, ad dirum manet hostia sacra tribunal,
 Hostia pro mendis interitura tuis.
 Innocuus tereti configeris (Agne) columna,
 Cederis hic diris corpora nuda flagris.
 Et capiti è spina sertum intorquetur acuta,
 Inq, vicem teētis Christe ferire genis.
 In vultumque spuunt, naresque in lumina mungunt:
 Polluitur fœdis os, faciesque modis.
 Dissecat vt Paphiam Iouis armiger ungue volucrem
 Edona dulcisoni gutturis astur auem;
 Haud secus ætherei lacerantur membra Tonantis,
 Undique discissa sanguinolenta cute.
 Nec mouet immanem speculum miserabile turbam;
 Tam fera Typhibones corde furore tument,
 Conclamant, affige cruci, vitæque resolue,
 Nî facias magni Cæsaris hostis eris.
 Dûnque suis humeris ingenti pondere lignum
 Gestat, & immerita morte necandus abi;
 Obuia facta suo genitrix mœstissima gnato,
 Candida plangit pectora casta manus.
 Gnate, nitor cœli, diuini pignus amoris,
 Gnate, decus vitæ, spesque salusque meæ:
 Quis tam crudeleis in te mihi concitat iras?
 Cui tantum de te, Gnate benigne, licet?
 Que te dira mihi tollit fortuna parenti?
 Quo traheris misero discrucis de modo?
 Huc tua prænitiæ deflellas lumina frontis,
 Huc agedum matrem conspice, quæso, tuam.
 Te meus hic venter quondam tulit, optime Fili,
 Atque tuum è nostro corpore corpus habes.
 Suxeris has etiam, proles generosa, papillas:
 Adspice me, altricem ne fuge Gnate piam!
 O immites, nimiumque truces, Solymique scelesti,
 Quò genitum fertis impia turba meum?

GVLI. GAND.

Quod scelus admisit? varijs miracula terris
 Signa dedit, veri sat manifesta Dei.
 Illius hæc meritis crudelia facta rependis?
 Atque pijs factis talia dona refers?
 Me miseram finite moriturum tangere gnatum,
 Clamat, & amissa voce recumbit humi.
 Ille abit, in terram deiectis mæstus ocellis,
 Supplicijq; venit fessus adusque locum.
 Heu bonitas, celsi patitur Regnator Olympi
 Latrones inter pendulus esse duos.
 Felle etiam sitiens, & amaro potus aceto est:
 Illius & tenerum confodit hasta latus.
 Effluit hinc tenuis commixta sanguine lymphæ,
 Lymphæ salutaris, dulcè leuamen aquæ.
 Militis hic oculos lucis referauit egenos,
 Proq; fero gratus vulnere visus adest.
 Probra quid, & risus, mordacia scommata dicam?
 Conclamat raucis dira caterua sonis.
 Patre Deo iactat genitum se: destruat ohe
 Tertio, & hæc reficit diruta templa, die.
 Te modò, qui potis es reliquos seruare, refigas;
 Sectemur legem credula turba tuam.
 O genus hoc quantum dulcis peramaris Iesu?
 Cui propria Stygias morte repellis aquas?
 Claraq; stelligeri recludis lumina cœli,
 Restituit patrios libusque Lares.
 En homo, quæ pro te patitur tormenta redemptor,
 Et potes Auctoris non meminisse tui?
 Namq; tibi surdo penitus, somnoq; sepulto,
 Redditur acceptis gratia nulla bonis.
 Ipse ego, qui verbum facio, grauiore ruina
 Deferor, & scelerum præpetè mole premor.
 Delictum cognosco meum, sordemq; reatus:
 Quod deceat video, deteriora sequor.

Summe

DE PASSIONE DOM.

Summe Pater faueas homini, nisi labe remerso,
Tendit ad inferni stagna timenda lacus:
Dirus ubi affligit maneis Rhadamanthus iniquos,
Et rapido infestum concremat igne scelus.
Te sine supremi conscendere sidera mundi,
Qui cupit, à primo colle sub ima ruit.
Haud aliter, quàm si lembum sine remige ducens
Tentet in aduersum nauta subire vadum.
Hec est vnius tua sola potentia, solus
Coelesti tantum munus ab arce pluis.
Quos tibi complacuit, legis ad tua regna: vocandis
Christe Deus seruis me quoque iunge tuis.
Da lucem, & cæcas animi depelle tenebras,
In te oculos semper figat ut ille suos.
Da mea de plorem lacrymis peccata subortis,
Et tibi purgata mente reconcilier.
Hactenus infesto fuimus sub fasce repressi,
Nemo reum posthac amplius esse putet.
Et pia iam sacris referamus munia templis,
Vota, quoque è mundo nobile corde sacrum.
Nam deleta male penitus vestigia culpe,
Primæque origineæ pulsa pericla notæ:
Mitis ubi nobis Seruator ab æthere missus,
Crimina diffuso sanguine nostra lauet.

GVLIELMI HERMANNI

Gondani pia Expostulatio.

Ode dicolos distrophos, altero versu hexametro
dactylico, altero Archilochio tetrameto.

Seruator è cruce iamiam animam exhalaturus
affatur hominem.

Primus hic versus artificiosissimus est: angustias
enim spiritus hominis moribundi perpulchrè
exprimit, cò quòd interruptus sit, & difficilis:
quam obseruationem in multis præterea car-
minibus comperies.

Gens humana, extrema hæc tangant pectora voces:
Huc aureis, huc lumina tolle.

Ille ego, cui tellus fundata & machina celi:

Ille Auctor hominùmque, Deùmque,

Supremùm affabor, letho vicinus amaro:

Sta tantòs spectare labores:

Suspice probroso in fontem me stipite fixum,

Infamemq; utrinque latronem.

Vulnificam spinis plexam impressere coronam:

Hoc regni diadema tulere.

Namque salutauit colaphis, & arundine casum

Antè cohors, regemque vocauit.

Immutata illuue sedatum os, atque cruore

Sanguinei riguere capilli.

Quid plagas omnes memorem, aut opprobria? quidve

Terga feris sulcata flagellis?

En ferrugineis distento corpore clauis,

Transigere manùsque, pedesque.

Vertice

EXPOSTVLATIO.

Vertice de summo, vel plantas usque sub imas,
 Immunis pars nulla dolorum est.
 Ipsa suis extant etiam compagibus ossa,
 Læsa graui sunt viscera quassu.
 Per laceros artus numerabis vulnere mille:
 Vnum sunt tot vulnere vulnus.
 Vndant purpurei fosso de corpore riuu,
 Irrubui, maduiq, liquore:
 Ceu maduit tinctus pressis calcator ab vnus:
 Profluuij ceu sanguinis undam
 Rorat Sidonijs imbutum vellus abenis.
 Quo fremitu audis, atque boatu,
 Turba hæc obstrepitet: quot mî conuitia faxit.
 Vibrat linguas more colubri,
 Inq, lupos versæ seuos Libycosque leones,
 Ab grassantur oues, laniantque
 Pastorem innocuum, quo crimine mouimus iras?
 Non paui, non saucia foui?
 Præbita ieiunis non veri alimonia verbi?
 Aegris quando cura negata est?
 Idq, parum, vita functos de morte vocauit:
 Hæc hodie est mî reddica merces.
 Adspice & hoc poculi, sitibundo aconita propinant:
 Obsecro num de vallibus istam
 Ægypti vitem deserta per inuia ductam,
 Collibus apricis, & in aruis
 Conseui? quid saxigeno torrente rigare?
 Quid rorem cum nectare cæli,
 Depluere adiunxit? sudorque, operaq, coletum,
 Contriti periere tot anni.
 Degener ac vitis botrum quàm gignit acerbum?
 Fellitum produxit acetum.
 Siccine commerui Iudee? effare, quid in me
 Culpe? si gens læta fuisti

GVLII. GOV. D.

Gentibus è cunctis, si tellurem ubere gleba
 Largitus, toties & ab hoste
 Eripuit, si promissi post terrea cælum,
 Tene crucem, mortemque parare?
 Fac ingrate tamen, fac supplicium meruisse:
 Num Siculi sumpsere tyranni
 Supplicij tantum? num persolvere nocentes?
 Mitior urget pœna latrones.
 Tu fera bellua, me, tu Tigride senior ipsa,
 Ut fœdasti, ut dilaniasti!
 Nil laceris reliquum iam sanguinis artibus: omniæ
 Potavit sitibunda dragœna.
 Feruida nec feritas hausto satiata cruore:
 Nec tot sumptis impia pœnis.
 Nec letho tali vel tandem expleta quiescet
 Horrendo scelere, atque nefando.
 Fossura exanimum est, & languida funera ferro,
 Extinctumque extinguere tendet.
 Ergo nec tenebræ (letho indoliturus iniquo,
 Lugubrem Sol samet amictum)
 Nec trepidans tellus, saxi aut fragor ille crepantis
 Aut templi scissura profani,
 Non omnis mundi facies mœstissima quibæ
 Vesani terrore tumultum?
 Quæ verò tantos cause suasere labores?
 Quenam Patrem hominumque Deumque
 Casibus his voluit? quæ sors infesta subegit,
 Denique acerbæ occumbere morti?
 O homo, tu manuum, tu nobile plasma mearum,
 O nostræ Deitatis imago,
 Te propter nobis tempestas orta malorum:
 Crux hæc, mors hæc, propter eundem.
 Hoc pensanda modo vetiti libatio pomi:
 Sic tua mihi soluenda rapina est.

Immensus

EXPOSTULATIO.

*Immensus superavit amor, nos ille triumphans
 Sublimi deduxit Olympo.
 Suasit, homo fierem diuus, fieremque coegit
 Vermiculus, ludibria vulgi.
 Totus flagrant animos liquefactus amore,
 Fudi casus memet in omnes.
 Tanta volens patior, rabies Iudæa ministra est,
 Arbitrio est mors, vitæque nostro.
 Imperat unus amor, seruire fatemur amanti,
 Atque facessere iussa labentem.
 Sponte Ionas audax vestris insulto procellis,
 Limoso figorque profunda.
 Andeo Samponiâ mea fata laceßere dextrâ:
 Mortem vita duco priorem.
 Quis tanto aut dulcis gnatos, castumve cubile,
 Aut sese dilexit amore?
 Quis tam probrosam mortem, aut sic vidit acerbam?
 Oh supremum tunc Tonantem
 Talia te propter, tam fæda, indignaque passum,
 Sorberi atri faucibus Orci,
 Immotus spectabis homo? tum Caucasus horrens,
 Tum tu caute horrentior ipsa,
 Tum tu saxificæ perpeßus es ora Medusæ.
 Quamuis & iam marmora scissa,
 Tellurem tremulam, nigrantemque æthera cernis,
 Fortunam miserier atram.
 Te sed iam dudum largos effundere fletus,
 Conspicio, nec egere morientis.
 Agnoui, finxi que tuum sic namque Prometheus
 Ingenium, sic mitia corda.
 Sic animos dederam facileis mollescere amore,
 Et mentem miserescere pronam.
 Iam quos liuoris nostri fas carpere fructus,
 Accipe, nil augustius illis.*

GVLII. GOVD.

Tu liuore salatisfero seruabere nostro:
 Hac pœna tua pœna serenda est.
 Nostra tuæ mors mortis erit mors: flammeus ensis
 Hoc reſtinctus ſanguine abibit.
 Sanguinis hoc fluuiio Phlegetontis ſtridula flamma
 Tartarei ſopita ſileſcit.
 Immortalis eris per me, decieſq; beatus:
 Factus homo, te comparo Diuis.
 Quo ſudore vides, muto manſuetior agno,
 Supplicium dependo nocentis.
 Iudex, & ſclerum vindex, inſanus amore,
 Exoluo ſcleris cruciatum.
 Dic iam nobile plasma meum, quæ præmia tanto
 Sudori? quæ præmia amoris?
 Obſecro nonne tua pendentem ſtipite cauſſa,
 Non cruce fixum, non moriturum:
 Non talem ac tantum meritis pro talibus, & tu,
 Me dignabere amore viciffim?
 Gratus amor fuerit, mercedem hanc poſtulo ſolam,
 Id ducam mercedis abundè.
 Eia, mellifluo nexu innectamur amantes:
 Tu me, te nos uſque fruemur.
 Poſt obitum deges Paradifi rure beato:
 Æternum veſcare licebit
 Pomo vitalis lignis: ſpatiabere ſilue
 Apricæ per amœna vireta.
 Flumina, tum gemmis, auroq; nitentia fuluo,
 Mundus, & omnia propria ſunto:
 Ampla tu dominus cœli re gnabis in aula:
 Tecum ego, tu dominabere mecum,
 Nec tamen interea in terris trepidaueris unquam,
 Nam Pharaôque, equiteſq; roteq;
 Turba fugax, ululans rubris voluuntur in undis:
 Solue metum, nil nempe pericli.

EXPOSTVLATIO.

*Confractus iam Marte meo est, victusq; tyrannus:
Iam maxilla effossa colubri.*

*Me duce bella geres, acie versabor in ipsa,
Armis, praesidijsq; iuuabo:*

*Fulmine sub clypei, nostrisq; tegere sub alis:
Crux haec densos ruperit hostes:*

*Insidijs etiam te circumuenerit hostis:
In vitam non ille valebit.*

*Perq; crucem, lathumq; oro, tantos per amores,
Tute velis meminisse reuerti.*

*Hisce ego distentis reducem complectar amicum
Brachiolis: mille oscula carpam.*

*Delitiae nostrae, nostri praeda una triumpho,
Et spolia est peccator opima:*

*Sanguinis hic nitidus fons abluuit: abluuit usque
Omnes sordes omne per æuū.*

*Sacrilegus Iudas immani crimine crimen
Posteriore prius cumulauit.*

*Iam nunc expro, exhortor te vocis suprema,
Seruatum spectare latronem.*

ANTO.

GVLII. GOVD.

Tu liuore saluifero seruabere nostro:
 Hac pœna tua pœna seruenda est.
 Nostra tuæ mors mortis erit mors: flammeus ensis
 Hoc reſinctus ſanguine abibit.
 Sanguinis hoc fluuiio Phlegetontis ſtridula flamma
 Tartarei ſopita ſileſcit.
 Immortalis eris per me, decieſq; beatus:
 Factus homo, te comparo Diuis.
 Quo ſudore vides, muto manſuetior agno,
 Supplicium dependo nocentis.
 Iudex, & ſclerum vindex, inſanus amore,
 Exoluo ſcleris cruciatum.
 Dic iam nobile plasma meum, quæ præmia tanto
 Sudori? quæ præmia amoris?
 Obſecro nonne tua pendentem ſtipite cauſſa,
 Non cruce fixum, non moriturum:
 Non talem ac tantum meritis pro talibus, & tu,
 Me dignabere amore viciſſim?
 Gratus amor fuerit, mercedem hanc poſtulo ſolam,
 Id ducam mercedis abundè.
 Eia, mellifluo nexu innectamur amantes:
 Tu me, te nos uſque fruemur.
 Poſt obitum deges Paradifi riare beato:
 Æternum veſcare licebit
 Pomo vitalis ligni: ſpatiabere ſilue
 Apricæ per amœna vireta.
 Flumina, tum gemmis, auroq; nitentia fuluo,
 Mundus, & omnia propria ſunto:
 Ampla tu dominus cœli regnabis in aula:
 Tecum ego, tu dominabere mecum,
 Nec tamen interea in terris trepidaueris unquam,
 Nam Pharoque, equiteſq; roteq;
 Turba fugax, ululans rubris voluuntur in undis:
 Solue metum, nil nempè pericli.

EXPOSTVLATIO.

*Confractus iam Marte meo est, victusq; tyrannus:
Iam maxilla effossa colubri.*

*Me duce bella geres, acie versabor in ipsa,
Armis, praesidijsq; iuuabo:*

*Fulmine sub clypei, nostrisq; tegere sub alis:
Crux haec densos ruperit hostes:*

*Insidys etiam te circumuenerit hostis:
In vitam non ille valebit.*

*Perq; crucem, lathumq; oro, tantos per amores,
Tute velis meminisse reuerti.*

*Hisce ego distentis reducem complectar amicum
Brachiolis: mille oscula carpam.*

*Delitiae nostrae, nostri praeda una triumpho,
Et spolia est peccator opima:*

*Sanguinis hic nitidus fons abluit: abluit usque
Omnes sordes omne per aeuum.*

*Sacrilegus Iudas immuni crimine crimen
Posteriore prius cumulauit.*

*Iam nunc expro, exhortor te vocis suprema,
Seruatum spectare latronem.*

ANTO-

SPECVLVM
ANTONII MANCINEL-
LI SPECVLVM DE MORI-
BVS ET OFFICIIS,

*In quo, quatuor virtutum, Prudentiæ, Iustitiæ, Mag-
nanimitatis, & Temperantiæ munera graphicè
depinguntur.*

ANTONIUS MANCI-
NELLVS VELITERNVS
ad Phœstum filium.

Inspice virtutis speculum dulcissime fili,
Quo sapiens fias, quo probus ipse magis.
Dogmata percipies vitæ normamque loquendi:
Sanctus eris, nostra cœperis ire via.
Bina simul pergunt mea carmina, proptereaque
Anterior dux est, posteriorque comes.

SPECVLVM DE MORIBVS, ET
*Officijs, à quibus honestè viuendi præ-
cepta ducuntur.*

PRUDENTIÆ OFFICIA.

Quatuor è ducibus nascetur quicquid honestum:
Ab duce prudenti, iusto, forti, moderato.
Prudens vera videt, iustus sua cuique rependit:
Robur inest animo forti: modus, ordo modestis.
Quæ bona, quæ mala sint, prudens discernit aperte,
Qui sapiens, nouit diuina humanaq; cuncta,
Cautio vel studium, ratio, intellectus adesse
Prudenti debent, & circumspèctio cuique.

Iusti

DE MORIBVS.

*Iusti sit pietas, concordia, religioque,
 Est & amicitia, & clementia, lesio nulla.
 Fortis magnanimus tolerat quæcunque benignè,
 Magnificus, constans, metuens nil, turpia tantum.
 Temperat à vitis quicumque est parcus, honestus,
 Quicq, verecundus, qui castus, qui moderatus.
 Prudens est etiam iustus, fortis, moderatus;
 Cui virtus una est, debent reliquæ simul esse.
 Omnibus in rebus prudens exquirere debet,
 Quid verum fuerit, ratio quid poscat & usus:
 Errare & labi, nesciræque decipiæ,
 Turpe malumque viro (quicumque est) ducimus esse.
 Præterea agnoscens poterit ventura videre;
 Præteritum, præsens, Prudentia, scitq, futurum.
 Principium sophiæ timor Omnipotentis habetur:
 Ergo Deum timeas, sapiens si quæris haberi:
 Tuque Deum solum qui mundum fecit adora,
 Qui genus humanum finxit, qui à morte redemit.
 Respicit Omnipotens gressus animumque virorum,
 Nec credas illi quicquam potuisse latere.
 Sine cibum sumis, seu potum, dicis, agisve,
 In Domini laudem Paulus facienda reliquit.
 In parvis etiam rebus vir, non modò magnis,
 Ab Ioue principium sumet dicens, faciènsve:
 Principio magni, parvique operis vocitandus
 Est Deus omnipotens: felicius omnia cedent.
 Qui valet ipse Deus, votum mihi ritè secundet,
 Adsit item rebus lapsis, dic incipiendo.
 Ingenium viresque tuas cognosce, priusquam
 Incipias aliquid; turpe est desistere cæptis.
 Doctrinam citius quàm aurum mi dilige fili;
 Est cunctis opibus melior sapientia rerum.
 Si sapiens audit, longè adscientior extat:
 Doctrinam stulti contemnunt velle doceri.*

SPECVLVM

*Cœli præcones auditum perge libenter:
 Traditur auditus cuique ut perdiscat agenda.
 Scripturæ studium debes impendere sacræ:
 Illa fidem mutat, flocci sunt sapientes.
 Doctrinam (fili) debes audire parentum;
 Despiciens illos, omni virtute carebis.
 Lætificat patrem sapiens, contristat ineptus:
 Gloria magna patris sapiens, infamia demens.
 Est preciosa magis rebus sapientia cunctis:
 Gloria vera datur sapientibus, haud locupleti.
 Qui natos generant, laudandi quique parentes,
 Qui tamen erudiunt etiam magis usque probandi.
 Sit tibi sit gnatus, doctori trade perito:
 Perdocet indoctus, quæ dedoceantur oportet.
 Hære illi, valeat qui reddere te meliorem:
 Admittes, quem tu meliorem reddere possis.
 Contubernalis fieri concare magistro,
 Inde modestus eris, studiosior atque peritus.
 Discere, fili, artem nullam potes absque magistro:
 Ad præceptorem festino currito gressu.
 Doctorem veluti sanctum venerare parentem,
 Laudando semper, probis offendito nunquam.
 Discere lecta velis, animoque inscribere cuncta,
 Ne libro amisso, te Antisthenes arguat alter.
 Inter consocios lætus placidusque moteris
 Et fuste & lingua; reprensus parce furori.
 Doctior euades alios tu ritè docendo:
 Attentè pueros coges audire legenda,
 Virtutis præcepta decet seruare magistrum:
 Ni sanum caput est, vitiantur cætera membra.
 Qui minimè veniunt auditum tempore certo,
 Haud ultro expectes, velocius inde redibunt.
 Ludendi spacium puero concede modesto:
 Fortior ad studium mens oblectata redibit.*

DE MORIEVS.

*Vt tibi donetur prudentia, nocte diēque
Desidiam vites: studioque impende laborem:
Dulcis doctrinae fructus, radice amara est.
Vt valeat, quis non succos potabit amaros?
Est ornamentum rebus doctrina secundis.
Rebus in aduersis doctrina est portus & auxilium.
Discitur ars ideo quod quisque exerceat illam,
Auxilio vite seu laudi letitiave.
Illa, quam norit, se quisque exerceat artē;
Vt usus enim egregius rerum praeceptor habetur.
Cor sapiens querit doctrinam, pascitur amens
Erroris nebula, tum caeco pectore vulgus.
Philosophus similem viuo canit esse peritum:
Defuncto similis, quicumque indoctus habetur.
Doctrina fiunt homines clari & sapientes.
Doctrina mores purgantur, sermo nitescit.
Aspectus veluti deducit ab aere lumen,
A disciplinis animo lux venerit ampla.
Quippe ego doctrina mallem cunctos superare,
(Dixit Aristoteli Macedo) quam rebus opimis.
Quisque sua cunctis doctrina noscitur apte;
Indicat insanum sermo, iracundia vultus.
Corruet is populus rector cui stultus habetur:
Consilio multo regitur res publica rite.
Consilium vulgo, ratio, discrimina rerum
Desunt; euades studio consultus, & arte.
Omnia consilio sapientia ducit agenda.
Consule qui sapiunt, cunctis in rebus agendis.
Plurima iudicio facienda, & non facienda,
Alterius tibi sunt: sapientes consule semper.
Cum sapiente means, sapiens euadet: amicus
Stultorum similis fiet: sapientibus haere.
Blandimenta caue fallacia, ne capiaris:
Fallit adulator, retinens sub melle venenum.*

SPECVLVM

*Coruis innumeris, quàm blando occurrere mallem:
 Denorat hic viuos, proiecta cadauera corui.
 Debenti nummos cuiquam succedere noli:
 Sæpe solent vades inopem deducere vitam.
 Arma nihil profunt sine consilio sapientum:
 Ne fidas igitur magnæ, stultiq; cateruæ.
 Consilio recto pauci, plures superabunt.
 Qui ruit in pugnam temerè, calcabitur hosti.
 Prælia non subeas, nisi cum victoria tecum est:
 Aut cum non poteris pugnam vitare coactus.
 Culto agro nihil esse potest ornatiùs, atque
 Vberius: tibi cura tui non desit agelli.
 Quippe Senatores olim sua rura colebant.
 Hinc Cincinnatus Dictator factus arando est.
 Frustra aliquid faciens, nulla emolumenta sequendo,
 Is vel ineptus erit, vel nulla negotia habebit.
 Hi faciunt aliquid quorum sit prompta voluntas,
 Vel quibus ars fuerit faciendi. discere, velisque:
 Si facis inuitus, leuior res aspera fiet:
 Res dura apparet mollis, si sponte labores.
 Si laudare velis aliquem, priùs inspicere qualem
 Commendes, tribuat ne mox tibi dedecus ille.
 Pectoris ipse tui cuiusnam secreta reueles,
 Inspice: si qua prior taceas, alter reticebit.
 Secretum quodcunque tibi committitur, ulli
 Celato semper, licet irascaris in illum.
 Ad summum nitens ascendere, conspice, ne tu
 Cum ramis recidas, quos iam comprehenderis alto.
 Solus iter facito nunquam; securior ibis:
 Sunt grassatores, sunt mille pericula casus.
 Quatuor haud unquam satiantur, cautiùs esto:
 Infernus, vulua, & tellus, vulcania flamma.
 Quatuor usque latent, colubri via marmore ducta,
 Æthere lapsus axis, mare puppis, iter puerorum.*

Fraude

DE MORIBVS.

Fraudi ne credas muliebri, quod meretricis
Mellea lingua tenet sub dentibus atra venena.
Infamis fuerit, scortum qui nutrit, inopsque:
Magna pudicitiae laus est, ne spreueris illam.
Aedificat sapiens mulier, quod destruit amens:
Insani capitis mulierem legimus esse.
Vxoris proprium pudor est, probitasque, fidesque:
Forma breui durat, spacio carpente decorem.
Quamprimum morbis adhibenda est cura medendi:
Nam mora saepe nocet, crescente malo perit aeger.
Nil egrum reficit magis quam praesentia amici:
Re simul & verbis aeger foueatur amicis.
Aëra vitabis crassum, purum tennemque,
Delige: acutus eris multo, plus sanior atque.
Victus item crassus tollet tibi mentis acumen:
Ergo velis tenui, facili quoque viscer esca.
Ante oculos incitur nequicquam rete volantum;
Frustra igitur tentas sapientem ludere velle.
Perfidus haud ullus meritis placabitur unquam;
Amittes igitur quicquid donaueris illi.
Quae sunt ad victum, debes multo ante parare
Quam tibi defuerint; constabunt quippe minuris.
Tela tibi, clypei, galeae, thoraces ementur
Ancipiti clauso melius, quam Marte furenti.
Paret apes ultro regi, comitatur euntem;
Tu refugis parere tuo; te dignior illa.
Scriptor erit nemo tam circumspectus, ut idem
Non labet interdum, quandoque, hinc dormit Homerus.

IUSTITIAE OFFICIA.

Iustitia munus fuerit, non ledere quenquam:
Vnicuique suum ius reddere Iustitia sit.

E

Iustitia

SPECVLVM

*Iustitiæ splendor virtutis maximus hæret:
 Inde bonus frater, qui iustus, quiq; benignus.
 Iustitiæ radix, fundamentumq; sit illud:
 Ne facias ulli, quæ tu tolerare nequies.
 Si quis inauditis ambabus partibus, ullum
 Iudicium profert (iustum licet) extat iniquus.
 Te verum & pietas, oro, ne deserat unquam:
 Omnibus ut placeas, à te scelus omne fugato.
 Mentiri solito verum non creditur ulli:
 Qui cupit amplecti, vitet mendacia vana.
 Quod verum, simplex, syncerum, conuenit ample
 Naturæ humanæ: sis verus, sis quoque simplex.
 Ipsa locum pietatis ullum non posset habere,
 Ni scelus acciderit, nisi quis peccauerit antè.
 Cuiq; homini vitium certum natura reseruat:
 Hic iracundus, tu mendax, ille superbus.
 Pauperis, ille Deum, quisquis miseretur, honorat:
 Esto pius miseris, tibi quo pia numina fiant.
 Impius est odio mortalibus atque supernis:
 Ut placeas terræ, & cælo pius esse memento.
 Iusti animam Dominus nutrit, letabitur illa:
 Iustus eris, saturet quod te Deus, ac tua seruet.
 Impietatis enim thesaurus ledit habentem:
 Iustitiæ verò thesaurus morte tuetur.
 Qui fuerit simplex, fuerit qui cultor honesti.
 Ille colet terram: terrâ pelletur iniquus.
 Qui Domino seruit, letabitur: impius omnis
 Tartara sæua petens, regno priuatur Olympi.
 Crimina qui celant, reuuentes illa fateri,
 Ama petent miseri: cælestia regna satentes.
 Impius haud dormit, nisi cum malefecerit ulli:
 At patietur idem, peioraq; sorte subibit.
 Si plus in terra recipit peccator iniquus,
 Quo magis accipiet, quanta maiora meretur?*

DE MORIBVS.

Dicere non satis est: culpæ me pœnitet omnis.
 Pœna opus est aliqua, ne tu reliquæve, recurras:
 In cruce sibi pendet spectanti exempla daturus.
 Ne furtum facias, scelus id nam turpius omni.
 Qui bona cuiusquam furto subtraxerit, aut vi,
 Supplicia expendent, nisi restituatur ad unguem.
 Qui prodesse potest, succurrere qui perituro,
 Occidit is si non succurrerit, estq; homicida.
 Denegat auxilium misero quicumque petenti,
 Queret idem frustra, meminerunt omnia cœli.
 Nemo fidem fallens, maius scelus edere posset.
 Sancta fides igitur tibi sit, promissio facta.
 Fidus homo cunctis gratissimus est et amicus.
 Infidus cuiq; est odio, cuiq; est inimicus.
 Dictorum pactiq; fides constantia fertur:
 Promittens aliquid totum constanter adimple.
 Deposita quodcumque tenes, seruetur amicis:
 Turpe magis nihil est homini, quàm fallere amicum;
 Deposita quandoque fuit non reddere iustum:
 Deposita minimè reddendum homini furioso.
 Promissum seruare decet non semper amico:
 Si tibi promissum noceat plus quàm inuict illum.
 Promittens aliquid formidine fraudève captus,
 Iura quidem, legesq; negant, tenearis ad illud.
 Oblatum superis pergratus reddito votum:
 Displicet æterno Regi promissio vana.
 Non nobis solum nati sumus; ergo fauere
 Debemus patriæ, vel amicis, vel cuicumque.
 Omnia quæ terræ gignunt, homini generantur:
 Ast homines hominum causa, ut foueatur utrinque.
 Dicitur iniustus cupiens offendere quenquam:
 Dicitur iniustus spernens defendere pressus.
 Differt consulto; subito ve iniuria fiat:
 Est leuior subito motu quæ iniuria fertur.

SPECVLVM

Quod semel exactum est, iterum non exigit vllus,
 Non decet alterius iactura cogere nummos.
 Contra iura nihil merceris: nam malè parta
 Labuntur facili clino, & quasi cera liquefcunt.
 Ancillæ seruisque tuis da quicquid oportet:
 Viuito cum seruis clementer, viue benignè.
 Serui sunt homines, & eodem semine quo tu:
 Contubernales sunt serui, humiles & amici.
 Plurima des illi, qui te dilexerit amplè:
 Ignotòque etiam faueas virtute referto.
 Infami non detur honor, non vlla potestas;
 Præmia virtuti solùm debentur honoris.
 Præcipuè debes illi præstare fauorem,
 Qui magis indigeat, cui desint commoda vitæ.
 Dilige præcipuè patriam, pòst deinde parentes;
 Hinc natos, totàmque domum, charòsque propinquos:
 Dilige quoscunque ut fratres, nullique nocebis.
 Pacis amans, quocunque velit securus adibit.
 Displicet vsque Deo, quodcunque est pondus iniquum:
 Omnibus in rebus Domino seruire memento.
 Cùm subitò valeas aliquid præstare petenti,
 Ne dicas illi, vade atque reuertere cras: da.
 Celanti triticum domino, maledicatur illi:
 At benedicatur ijs, qui vendunt, quique pij sunt.
 Cùm tibi confidat, mala nulla parabis amico:
 Detrahe nec dictis nec factis illius umquam.
 Cordis eget mentisque bonæ, qui spernit amicum:
 Diues erit, multos quicunque est nactus amicos.
 Prospera duntaxat falsi sectantur amici:
 Diffugiunt hyemem: tu constans dilige semper.
 Alter amicus ego est, anima vna in corpore bino:
 Ad plenum felix, verum qui nactus amicum.
 Munera delectant homines, & numina diuùm:
 Munere magnanimi sepe acquiruntur amici.

Plurima

DE MORIBVS.

Plurima quò teneas, impendere parua memento:
 Maxima sæpe tibi referent munuscula parua.
 Dilige vicini, poterunt hi semper adesse:
 Congregat unà homines alterni causa fauoris.
 Vicinus melior iuxta te, fratre remoto:
 Omnibus in rebus vicino cuique fauendum.
 Iniuste cupias nullum accusare: solebat
 Non iure accusans Persis pumirier ample.
 Alterius mauult reprimi crimina quisque
 Quàm sua; velandum quodcumque est crimen amici.
 Alterius cupiens prauos reprimere mores,
 Is vitio debet quocunque carere nefando.
 Qui cupit alterius vitium reprimere, tangat
 Antè suum pectus; post hæc consideret illud.
 Gratia virtutum cunctarum maxima fertur:
 Inde nihil malis, quàm te gratum esse videri.
 Tum re, tumque animo debes gratissimus esse:
 Hac re dignus eris promptè cuiusque fauore.
 Gratia plus multo reddat, quàm sumpserit ipsa:
 Pinguis ager veluti referas tu plura benignus.
 Assiduo pueros peccantes verberare cæde:
 Corrige, nam prauos nimis indulgentia reddit.
 Præua bono, iustoque viro potuere placere
 Nunquam: discipulos hac re natosque coerce.
 Dilecti nati tundendum est corpus acerbè:
 Ad mala nutritur, nimia cui parcis amore.
 Erudit instanter natum, qui diligit; at qui
 Illum odit, virgæ parcit, quæcumque ferendo.
 Sponte puer nolens studiis impendere curam,
 Sæpe minis, ferulæque pia cogendus, acerbis.
 Sæpius indociles, tardosque monere memento:
 Impetus, atque minæ pueris, & verbera profunt.
 Si peperit coniunx, tunc illa sit integra mater;
 Imperfecta quidem mater, nulla ubera præbans.

SPECVLVM

*Nutrit illa prius, quod non cernebat in alio:
 Tam noscens hominem viuentem pellit ab ulnis.
 Vbera mammarum tribuit natura puellis,
 Natorum causa, non formæ suæ decoris.
 Cui similem format membris, animoq; parentum
 Semen, sic etiam lactis natura figurat.
 Haud homini tantum, pecudi simul euenit istud:
 Alterius quoties nutritur lacte animantis.
 Lac ouium potante hædo, capræ simul agno:
 Lenitium tenerum venit illi, diuinus agno.
 Ingenium altricis quapropter vis quoque lactis.
 Partem etiam magnam retinent in moribus ipsis.
 Pallida erat nutrix Syluani, pallida nati
 Membra suis, credas igitur quæcunque notauit.*

FORTITVDINIS, MAG- nanimitatisque officia.

Fortitudo viri propria est, & maxima virtus:
 Est autem mortis contemptio siue doloris.
 Cui fortitudo non est, vir sæmina habetur.
 Virtuti nomen vir dat, nam fertur id ipso.
 Fortitudo quidem propriè virtus vocitatur,
 Nam reliquas superat, spernens mortalia cuncta:
 Inferiora putat se cuncta humana vir ipse
 Magnanimus, fortisq; simul, nam despicit illa.
 Magnanimos, fortesq; viros Plato dixit haberi
 Veros, atque bonos, & simplicitatis amicos.
 Magnanimi non sunt, fallaces siue nocentes,
 Sed veri, atque boni, misero cuiusque fauentes.
 Magnus quippe animus nil optat, præter honestum:
 Succumbit nulli fortune, humanaq; temnit.
 Ardua magnanimus, fortisque, & plena laborum

DE MORIBVS.

Aggreditur, studio vite patrieque tuende.
 Splendidus nil est illo, quod fiet ab ullo
 Magno animo, elatoque humanaeque despicienti.
 Ignavus ideo fertur: Virgo illa virilem,
 Vos autem iuvenes animum geritis muliebrem.
 Opprimat ingenium pudor, ast audacia firmat.
 Omnibus in rebus melior quicumque sit audens.
 Fortiter incipias, audacia murus habetur.
 Qui fuerit timidus, faciet laudabile nunquam.
 Ignavos fortuna premit: tolluntur in altum
 Magnanimi, fortesque viri, subeundo labores.
 Fortis, non timidus; non audax esto, sed audens.
 Fortis est utendum ratione in rebus agendis.
 Irasci noli Domino repressus: amatur
 Ab Domino quicumque suo reprimatur idem
 Qui patiens fuerit, sese ratione gubernat.
 Inspiciens nulla poterit ratione teneri.
 Noli vindictam, saepe obfuit ultio facta.
 Magnanimus parcat, vindicta femina gaudet.
 Qui damni alterius letatur, sentiet ipse.
 Iactura socij dolens, letare secundis.
 Qui tuus est, alijs nunquam donabis honorem:
 Despicens sese nunquam venerabitur ullis.
 Formica nullo didicerunt grana magistro
 Ferre domum, piger est quicumque, fame capietur:
 Vult piger & non vult: operans pinguescit opime.
 Qui piger est, tristi macie tenuabitur ille.
 Qui piger extimuit frigus, nec arauit ob illud,
 Aestate, esuriens frustra rogabit amicos.
 Alto Sole iacens, vitam consumit inertem:
 Fiet inops; tu surge prius quam venerit aethon.
 Qui citius surgunt, agiles & dexteriores
 Euadunt, laudemque parant, & commoda vite.
 Ostia cœu proprio vertuntur cardine, deses

SPECVLVM

Haud aliter molli verti solet ipse grabata,
 Quae facienda tibi (mora laeserit) expediantur:
 Quod caenas serua, non quod tamen instat agendum.
 Nec tu fortune nimium confide secunde:
 Praeteritis meliora malis sperare memento.
 Cum tuleris grauiora malis praesentibus, isthaec
 Fortiter excipias, donabitur his quoque finis.
 Est humanarum rerum, quo voluitur usque,
 Circulus, inde diu nemo est miser atque beatus:
 Nullaque so' s homini longa est; dolor atque voluptas
 Alternis cedunt, breuior tamen ipsa voluptas.
 Altius euexit quo te fortuna, ruina
 Maiorem timeas, nulli est fortuna fidelis.
 Diuitijs fidens is corruet, & sapienti
 Seruiet insanus: diues licet ille sit Irus.
 Tempore cui longo vita est, aduersa subire
 Cogitur, hinc breuior vita est, iucundior illa.
 Mors male viuientis grauis est, iusto cuiusque
 Principium vitae faelicis, meta laborum.
 Mortuus ad vitam nunquam reuocabitur ullus:
 Quid prosunt lacrymae, gemitus, suspiria, luctus?
 Omnia tempus habent, cedunt sibi cuncta vicissim;
 Nascenti tempus, moriendi tempus habetur.
 Doctus, & indoctus moritur, discrimine nullo:
 Impius atque pius morti debentur eadem:
 Est nihil aeternum, cunctis mors imminet atra:
 Sola quidem virtus, gestorum gloria viuet.
 Iunior exerce ingenium, ne sperne laborem:
 Iunior acquiras, quibus indiget agra senectus.
 Quilibet exercens sese ipsum rebus honestis,
 Obliviscetur totius nempe laboris.
 Quicumque exerceat vanis se & turpibus, illi
 Deficit oblectamentum, lassisque resistet.
 Tadia non refugit cupiens virtutis honorem.

Qui

DE MORIBVS.

Qui studium curamque fugit, spernetur ubique.
 Prospera cuncta viro vigilantibus, & recta sequenti
 Succedunt: vigila, tibi consule, recta sequaris.
 Errauit quicumque semel, malus usque putatur.
 Esto bonus semper, semper reputaberis idem.
 In cælo bona sunt, quæcunque mala hic reputantur.
 Scribitur Euripidi talis sententia Græco,
 Cuncta quidem toleranda tibi patienter amara.
 Constituit Dominus patienti præmia cæli:
 Qui mala præsentibus tolerant, aduersæque sæclo,
 Mercedem capient cælestia regna laborum.
 Viginti puer ipse annos, totidemque adolescens:
 Tot iuuenis, totidemque senex (Sanius dat) habebit.
 Est similis veri puer, æstati que adolescens:
 Autumnus atque hyemi similes, iuuenis que senexque:
 Qualibet officium serues ætate decorum.
 Aëlio virtutis nullo tibi tempore desit.
 Semper agas aliquid, sudore laboreque multo
 Acquiruntur opes: studio, doctrina decusque.
 Nulla dies tibi segnis eat, longæque pigebit;
 More Catonis, ubi lux pigro fulsit inanis:
 Pœnituit naui, pedibus quod pergeret, isse:
 Amisisse diem: mulieri arcana tulisse.
 Est cum diuitiis longè sapientia quæque
 Vtilior: Perianther inops spernetur ubique.
 Diuitis obsequio vel munere non mouearis:
 Iudicis obcæcant oculos munuscula sæpe.
 Vtile non dicas, quod turpe est, sine inhonestum:
 Ditari spolijs alienis vtile non est.
 Gloria dat vires, poteris hæc alta tenere;
 Imma petens, nusquam laudè que decusque meretur.
 In stadio currens, eniti vincere debet:
 Supplantare aliquem vel trudere non licet ulli.
 Viribus ipse tuis, imbellem despice nunquam:

SPECVLVM

Ipse auum quandoque leo cibus est minimarum.
 Tam firmum nihil est, cui non aliquando noceri
 Possit ab inualido, perimit vel Araneus Anguem.
 Nec timeas ullum clamore minisque furem:
 Namq; timens latrat vehemētius, haud ferit unquam.
 Fortior est omni muro conuictus amantum
 Se fratrum: conuiue tuis cum fratribus usque:
 Stupea quæ triplici neētuntur vincula filo,
 Difficile est rumpi: tres vel duo sunt mage fortes.
 Esse tuum credas frater quod possidet omne:
 Dilige, nam frater sermē alter dicitur esse.
 Bellum suscipiis querendæ pacis amore.
 Magnanimus terret, timidus spernetur ab hoste.
 Absque ulla causa nunquam te oppone periclo:
 Est in tranquillo dementis poscere fluctus.
 Aggrediens aliquid faciendum, consule honestum
 An sit: deinde vide, faciendi sit ne facultas.
 Nil tu committas quandoque ut dicere possis,
 Hoc mihi non unquam contingere posse putāram.
 Prælia cautus ini, quoties pugnare necesse:
 Non nisi prudenter subeunda pericula vitæ.
 Promptior ad pugnas animum pro laude pararis,
 Quam pro diuitijs querendis, siue tuendis.
 Pro patria vitam, non solum funde reposta
 Commoda; nec patriæ taceas formidine pressus.
 Si patriæ rector fueris, defendito ciues.
 Iure omnes æquo tollentur seditiones:
 Pax erit in populo, quoties est omnibus æqua
 Iustitia: ergo lucrum fugies, dum iura ministras.
 In patriæ cura clemens sis, atque seuerus,
 Mansuetis clemens, verum grauis esto nefandis.
 Dedecet ira, furor, populi qui iura gubernat:
 Præclaroque viro clementia cedit honori.
 Qui pariter peccant, pariter punire memento:

Nec

DE MORIBVS.

*Nec statuas ulli maiorem crimine pœnam.
I. a procul cedat, si quem punire parabis;
Iustitiam nequit iratus seruare modumque.
Sint legum similes qui publica munera curant.
Lex venit ad pœnam clementer, non furiosè;
Non te præcipitet furor ullus, mente quieta
Cuncta geras, placido vita est felicior omni.
Principe constanti vulgus letabitur omne:
Iniusto rectore viri matrèsque dolebunt.
Iniustum imperium longo non tempore durat;
Non aurum, sed amicus crit custodia regni.*

TEMPERANTIÆ Modestięque officia.

ORdo modusq; simul rerum, pudor ipse decorus,
Turbatiq; animi sedatio te comitentur.
In dictis factisq; tuis seruabitur ordo:
Ordine peruerso, nulla actio ritè paratur.
Incipiens aliquid, finem consideret antè:
Decidit in laqueos, qui cæco pectore fertur.
Mens hominis discendo alitur, meditansq; requirit.
Quod decet in vita tecum mediteris agenda:
Mens animusque tuus nil quicquam præter honestum,
Cogitet; effugies hoc pacto dedecus omne:
Id solum petito, quod nulli iure negares.
Quod tibi concedi mallet, concede roganti.
Nil facies unquam licèsvæ, obstante Minerva:
Hoc est, nil facito quoties Natura repugnat.
Quisque suum ingenium noscat, sua robora quisque:
Sic modus in rebus seruabitur ille decorus.
Sermo tuus lepidus, comis, iucundus, honestus,

Non

SPECVLVM

Non asper, non durus erit, non turpia narret.
 Moribus ille tuis plus quàm sermone iuuetur,
 Qui tecum veniet, quocumque it, siue moratur.
 In multiloquio peccatur sæpius, inde
 Pauca loqui debes, potius audire loquentem.
 Quisque tacere acquit stultus, sapiensque putatur
 Quum tacet: ergo velis sapiens, non stultus haberi.
 Pauca loqui prudens, audireque plurima debet:
 Os unum, binasque aures, idcirco tenemus.
 Suscitatur ingentem prædurus sermo furor em;
 Terribilemque iram frangit responsio mollis:
 Quolibet in verbo ac actu mens esto quieta.
 Ira procul tendat, furor, impatientia; pax sit:
 Iratus poterit laudabile nil operari.
 Ira animum turbans obcæcat lumina mentis.
 Intempestiuus vel ineptus, & immoderatus
 Damnatur risus, decuit grauis atque modestus.
 Ex facili victus tibi sit, preciosa relinque.
 Quære fame gustum, conditos temne saporos.
 Darius fugiens, sicco pulnone cruentam
 Haussit aquam: potus sibi dulcior haud fuit unquam.
 Quale lucrum fuerit, talis tibi cæna paretur:
 Ne plus impendas, patitur quàm parua supellex.
 Conualet ægrotus tenui solummodò victu.
 Sanus eris semper tenui si vesceris esca:
 Nil animum corpusque viri sic obruit unquam
 Vt plenus venter, ructus sonitumque remittens:
 Sic etenim fies robustior, atque valebis.
 Qui emungit naves in Perside, qui spuit, aut qui
 Egestum pergit, vel mictum turpis habetur.
 At qui nil horum committere cernitur, is se
 Continet à victu nimio, laudisque meretur.
 Sic parçè Socrates vitam ducebat Athenis,
 Vt solus victu nunquam ægotarit honesto.

Nulla

DE MORIBVS.

Nulla placent domi ac tenuis ieiunia mensæ:
 Quantum lætificat nullum committere crimen.
 Laudibus extollant alij tua gesta, tacendum
 Est tibi: surdescit propriolæus ore relata.
 Gratia mansuetis Domini tribuetur Olympi.
 Quisque superbus erit, cœleste fauore carebit.
 Est humilis sapiens, insanus quisque superbus.
 Clementis vita est incundior: atque superbi
 Fert odium, rixas, fert cades: dilige quæque.
 Pax, amor, in cunctis vitam tribuere secundam.
 Perpetuò cupiens tranquillam degere vitam,
 Abstineat vetitis, patiatur quæque ferenda.
 Vir mendax, litemque ferens, crudelis, auarus
 Est odio regi cœlorum: tu bonus esto.
 Vxorem quicumque suam vult esse pudicam,
 Improbus est, nisi seruat idem, quod poscit ab illa.
 Vxorem alterius tangens, immundus habetur:
 Qui cupit ergo sibi laudemq; decusq;, cauto:
 Nec solum Dominus præcepit crimen haberi
 Vxorem alterius contingere, sed meretricem.
 Diliget alterius miser est quicumque figuram.
 Fœlix, qui subito flammâs extinguit amorum.
 Conualet ægrotus veteri statione recedens:
 Captus amore procul fugiens, sanus remeabit.
 Abstineas oculis, Dary, ut cernere pulchram
 Noluit uxorem Macedo, quò castior esset.
 Vritur ut subito Vulcani lumina tangens,
 Non secus à tactu muliebri corda virorum:
 Nostrium plus alijs placet: at nobis alienum:
 Sorte tua contentus eris, quæcunque sit illa.
 Gaudia nulla homini tam prospera dantur, ut illis
 Mel sine felle insit: sine luctu nulla voluptas.
 Alterius peccata velis cognoscere nunquam,
 Nam tua celare est potius, quàm scire aliena.

SPECVLVM

*Tu domui, non illa tibi, sit, nate, decori:
 Ne tibi Aristippus faciem deturpet inerti.
 Diuitijs vitæ causa molire tuende:
 Quod satis est cupias, in sit tibi nulla libido.
 Non adeo cura est vitæ præsentis habenda,
 Ut capiat mentem venturæ obliuio vitæ.
 Si diues fueris, delicti non eris expertus,
 Ni cupis & miseris & egenis esse benignus.
 Posse bonis uti præsentibus atque futuris,
 Difficile est: petitur cælum virtute, labore.
 Diuitijs multi perierunt, robore quidam:
 Sæpe solent igitur nobis bona nostra nocere.
 Parua magis iucunda venit, quam multa supellex:
 Anxius est diues super armentis gregibusque.
 Multi in diuitijs inopes occurrere possint:
 Parcit enim gaze, ut diues moriatur, auarus.
 Diuitijs sapiens dominatur, seruit ineptus:
 Diuitijs noli cor ponere, si quis abundas.
 Non ego felices reputo, quibus adfluit aurum,
 Ni scierint uti, fueritque id iure paratum.
 Nullo animus lucro pingui satiatur auarus:
 Ipse Crates aurum abiecit virtutis amore.
 Pauper eris nunquam Naturam ritè sequendor:
 Exiguum natura cupit, multumque libido.
 Natura satis est fluminis, sat poma vel herba:
 Vtere natura, poteris sic esse beatus.
 Exultet pauper, grates agat Omnipotenti:
 Liber enim multis patrimoni nexibus ille.
 Paupertas urbes minuit, repperit artes:
 Paupertate sapit Socrates, Plato, cæcus Homerus.
 Est odio pauper cunctis affinis, atque
 Diligitur diues: tu quenque bonum tue aris.
 Nemo cum proprijs curare aliena valebit:
 Rerum alienarum cura est grauis, atque molesta.*

DE MORIBVS.

Seu pila delectat, siue alea, lude parumper:
Ludere non turpe est, parco si tempore fiat.
Nil imprudenter faciendum fortuito ve:
Non ludo atque ioco, sumus ad grauiora creati.
Quisq; Deum metuens, recto qui tramite pergit,
Spernitur à prauis; tu dilige semper honesta.
Est adolescentis maiores se reuereri:
Consilioq; frui sapientum quolibet actu.
Corporeus labor est seniori diminuendus:
Exercere animum senior, non corpora debet.
Consilio senior iuuenes patriamq; iuuabit:
Effugiat senior, languorem, desidiámque.
Dedecet ipsa Venus quemcunque, magis seniore:
Luxuriant iuuenes, longæui exempla sequendo.
Parturiens hominum conspectum vitat asella:
Committunt homines vulgo turpissima quæque.
Pergit apes longè quoties emittit oletum;
Egerit ante thorum, vel mensam, vir mulierque.
Munditiæ tibi sint vestitus, & faciès,
Quas laudat sapiens, non quas reprehendere possit.
Incedit sapiens, non ambulat: ergo cauebis
Ingressum celerem, vel tardum: sume decentem.
Esto pudicitia, vitaq; exemplar honestæ,
Sermone, ingressu, visu, gestuque decenti.
Hi tecum maneant, quorum sit vita pudica:
Infames procul esse velis, procul ire iubeto.
Tullius instituit præceptis officiorum,
Quem genuit: profamq; illi, non carmina misit.
Carmine sit longè breuior sententia: menti
Longius hinc hærent, quæ carmine ritè notantur.
Idcirco, fili, de moribus officiisq;
Carmen habes: tu discè simul cum fratribus illud.
Hæc intra lucas viginti lusimus: at tu
Itra annum discens prudens erit, atque modestus.

FINIS.

De Montibus

Montes sunt terrae elevatae, quae a mari vel a flumine
separantur, et in se invicem coniunguntur. Montes
sunt veluti columnae, quae mundum sustinent.
Montes sunt veluti domus, quae homines habitant.
Montes sunt veluti reges, quae populum regunt.
Montes sunt veluti patres, quae filios nutriunt.
Montes sunt veluti matres, quae filios nutriunt.
Montes sunt veluti fratres, quae fratres nutriunt.
Montes sunt veluti sorores, quae sorores nutriunt.
Montes sunt veluti filii, quae patres nutriunt.
Montes sunt veluti sorores, quae fratres nutriunt.



Handwritten signature or initials, possibly "W. M. 1714".

Montes sunt veluti reges, quae populum regunt.
Montes sunt veluti patres, quae filios nutriunt.
Montes sunt veluti matres, quae filios nutriunt.
Montes sunt veluti fratres, quae fratres nutriunt.
Montes sunt veluti sorores, quae sorores nutriunt.
Montes sunt veluti filii, quae patres nutriunt.
Montes sunt veluti sorores, quae fratres nutriunt.
Montes sunt veluti fratres, quae sorores nutriunt.
Montes sunt veluti sorores, quae filios nutriunt.
Montes sunt veluti filii, quae sorores nutriunt.

